

Mak Mak belej Mere iginj Yesu nin yitin kayyin

Yon Baptais belej gitik iryin

¹ Baraŋ iginj gabe Yesu Kristu, Al Kurun Urmin gote baraŋ fudinde goyen min ureŋ tihim.

² Be, Al Kurun belej Urmin mere iryin goyen mere basaŋ almin porofet kura Aisaia belej asaŋde gahade kayyin:

“Meten alne ten kermeke mehen hen kuyen.

Kunbe belejge kerde gunyen.”* *Malakai 3:1*

³ “Sawsawa po kurun naŋa bana goŋ al kura forok yenbe alya bereya belej Doyaŋ Al Kurunyen mere nurde gama ird ird nin du-fay gitik ten ten ge gahade kuware tagalde hiyen:

‘Doyaŋ Al Kurunyen belej kernaŋ.

Belenmin sope irde huwa irnaŋ,’ yirin,” yitin hi. *Aisaia 40:3*

⁴ Niŋgeb Yon Baptaisbe sawsawa po kurun naŋa bana forok yenbe alya bereya baptais yirde saba tagalde hinhin. Sabaminbe gahade: “Mata bulunŋin yubul ten Al Kurun nin bitin mulgaŋ henaŋ. Irkeb Al Kurun belej mata bulunŋin halde dunke baptais tenayin,” yinen hinhin.

* **1:2:** Mere gabe Aisaia belej ma kayyin. Malakai belej kayyin. Gega Aisaia be Al Kurunyen mere basaŋ mar kurun bana goŋ nin al denem kenkelakbe gogo geb, Mak belej Aisaia denem kayyin.

⁵ Irkeb alya bereya Yudia nanja goyen bana nin taun kurun Yerusalem ya nanja bana gon nin taun hoyanya hoyanya goyen budam wor po Yon hitte kun hinhan. Kunbe mata bulunmin ge Al Kurun pohogay irkeb Yon belen Yodan fete baptais yirde hinhin.

⁶ Yonbe dapna kamel wuyneñ belen ulinhor irtin goyen hor irdeb dapna sikken gore po ten kanmin irde ulinhor kerkek goyen mal temdere giti irde hiyen. Irdeb binje igin kura ma nene hiyen. Gusuya yalanqu fiminya nene hiyen.

⁷ Yenbe mere gahade tagalde hinhin: “Ne harhoknerbe al kura wayyen. Yende sanjbe kurun wor po, nere folek. Ningeb ne gahade gare epte ma yen ge ten meten kurun titek hime. Kahan basanminde nin kan urgun kan yugu ten ten gobe meten kurun mon gega, go wor ne belen epte mon yen nurde hime.

⁸ Nebe fe ulin po baptais dirde hime goyenpoga yenbe Holi Spirit belen baptais diryen,” yinen hinhin.

*Yesu baptais tekeb Satan belen tunan uryin
(Matiyu 3:13-4:11; Luk 3:21-22; 4:1-13)*

⁹ Be, go kamereb Yesu belen Galili bana go nin taun dirneñ Nasaret tubul ten Yon hitte Yodan fe sinjare wayyin. Irkeb Yon belen tukun fe alare baptais iryin.

¹⁰ Be, Yesu gob baptais tenbe fe ala tubul ten sinjare wakeb goya goyen po nanjin hol yirin. Irkeb Yesu belen keneñ hikeya Holi Spirit belen yen hitte kalyinji foy ten kattin yara ten katen kipirin.

¹¹ Irde nan̄kiñ hol yitiñ bana gore al melak kura forok yeñ Yesu mere iryiñ: “Gebe urne, bubulkuñne wor po. Ge niñ aman̄eñ wor po nurde guneñ hime,” inyiñ.

¹² Be, go kamereb Holi Spirit beleñ Yesu goyen sawsawa po kurun̄ nan̄a bana goñ bul irde tukuriñ.

¹³ Tukukeb wawun̄ 40 goñ hinhin. Irkeb un̄gurayen kurun̄miñ Satan beleñ Yesu mata bulun̄ tiyi yeñ tun̄añ urde hinhin. Dap̄ña duwi fuleñam yañ kahal bana hikeya Al Kurun̄yen miyon̄ beleñ doyan̄ irde faran̄ urde hinhan.

*Yesu beleñ komatmiñ yawaryiñ
(Matiyu 4:12-22; Luk 4:14-15; 5:1-11)*

¹⁴ Be, Galili nan̄are niñ doyan̄ al kurun̄ Herot Antipas beleñ Yon̄ teñ koyare kiryiñ. Go kamereb Yesu go Galili nan̄are kuñbe Al Kurun̄yen mere igiñ goyen tagalde hinhin.

¹⁵ Mere tagalde hinhinbe gahade: “Al Kurun̄ beleñ alya bereyamiñ doyan̄ yireñ yeñ bikken̄ nalu kiryiñ gobe gago binde hihi. Niñgeb yeñ yufuk bana hitek yeñ nurde hañ kenem mata bulun̄tiñ yubul teñ Al Kurun̄ niñ bitiñ mulgan̄ hen̄be meremiñ ge dufaytiñ san̄iñ irnayiñ,” yinyiñ.

¹⁶ Be, Yesu go Galili Makan̄ feren̄ kuñ hen̄yabe Saimonya kuliñ Andruya makan̄de kaman̄ temeyde hike yinyiñ. Ire itinja gobe makan̄ dap̄ña yad yad mar.

¹⁷ Be, Yesu beleñ irem go yenen̄be, “Wayyi. Wan̄ ne gama niryi. Irkeb al yade Al Kurun̄ hitte yukun̄ yukun̄ mar direñ,” yinyiñ.

18 Irkeb goyare po kamañmin yubul teñ Yesu gama iraryum.

19 Be, muñ kura kutneñ teñbe Yemsya kulin Yonyabe naniñ Sebediya meten marminya hakwamiñ hende heñ kamañ sope irde hike yiniñ.

20 Yeneñbe ire itinya goyen wor hoy yiriniñ. Irkeb irem go naninya meten marminya hakwa bana po yubul teñbe Yesu gama iraryum.

Yesu belen unğura takira tiyyin

(Luk 4:31-37)

21 Be, Yesuya komatmin mehende yawaryin goya irde Kapeneam taunde kwamiñ. Kuñbe Yuda marte usañ nalu Sabat hekeb Yesu belen Yuda marte gabu ya bana hurkuñbe gabu ya bana goñ hinhan mar goyen saba yiriniñ.

22 Irkeb sabamiñ go nurdeb saba gobe Moseyen saba tagalde hañ mar belen tagalde hanjen yara moñ, irde Al Kurunyen sañin minyan belen saba titin yara saba tike keneñbe dinon kok yamiñ.

23 Be, goyare goyenbe unğura ketal urtin al kura gabu ya bana goñ hinhin gore kekew tiyyin.

24 Kekew teñbe gaha inyin: “Yesu, Nasaret nin al! Gebe daha dire yeñ wayha? Gwamuñ dure yeñ wayha? Neb nurde gunen hime. Gebe Al Kurunyen Urmin wor po,” inyin.

25 Irkeb Yesu belen mere hitemde po, “Bada hawa, irde al go tubul teñ kat kwa!” inyin.

26 Irkeb unğura gore al goyen uguñ po anğor anğor irde kekew teñbe tubul teñ kat kurin.

27 Be, al gor hinhan mar gore keneñbe hurkunkat wor po teñbe tigiri teñ kadom gusunañ gird tiyamiñ. “Ey, gab dahadebe gago?”

Saba gabe tiñeñ wor po, Al Kurunyen sañiñ minyañ. Niñgeb unğura wor meremiñ nurdeb al go tubul teñ busaharhañ!” yamiñ.

²⁸ Irkeb Yesuyen mere momoñ gobe Galili naña bana goñ bemel po kurun heñ kurin.

*Yesu belej al budam guram yirde hinhin
(Matiyu 8:14-17; Luk 4:38-41)*

²⁹ Be, Yemsa Yonya irde Yesuya komatmin hoyañ kura goya gobe gabu ya go tubul teñbe goyare po Saimonya Andruyat yare kwamiñ.

³⁰ Yare gorbe Saimon teñakbe aygañ bulun po irke ferde hinhin. Irkeb goke Yesu momoñ iramiñ.

³¹ Irkeb kuñ keneñbe haniñde tanarde farañ urde isañ hekeb aygañ gob tubul tiyyin. Irkeb bere go huwardebe Yesuya komatminya goyen biñge kañ yunin.

³² Be, Yesuyen mere momoñ nuramiñ mar beñbe goyen wawunbanare goyen numtuk urde hikeb Sabat nalu hubu hihi yeñbe Yesu hitte garbam marya unğura beñ ketal yurtin marya kurun goyen yade wayamiñ.

³³ Be, Kapeneam taunde nin al buda kurun goyen wañ Yesu hinhin ya goyen dilin mar gabu iramiñ.

³⁴ Irkeb Yesu beñ garbammin kurayen kurayen goyen sope yirin. Irdeb unğura beñ al ketal yurtin goyen wor yakira tiyyin. Goyenbe unğura gore Yesube al gwahade yeñ nuramiñ. Gega, “Ne nin ma tagalnayin,” yineñ utañ yirin.

*Yesube Galili nana bana saba tagalde hinhin
(Luk 4:42-44)*

³⁵ Be, nana hako ga fay urde hikeyabe Yesu huwarde ya go tubul ten nana al minmonde kurin. Kunbe Al Kurunya mere ten hinaryum.

³⁶ Irkeb Saimonya kadam yagoya belen kun yen ge nankenen hinhan.

³⁷ Irde kenenbe, “Al buda kurun gayen ge nin nankenen han,” inamin.

³⁸ Irkeb Yesu belen wol henbe, “Nebe saba tagal tagal nin wamirin. Ningeb wake tiyun binyan binyan ga wor kunin. Kun goyan wor saba tagalde tuken,” yinyin.

³⁹ Gwaha yenbe Galili nana bana kun Yuda marte gabu yayan saba tagalde uncura yakira ten hinhin.

*Yesu belen al kura busuka minyan sope iryin
(Matiyu 8:1-4; Luk 5:12-16)*

⁴⁰ Be, al kura busuka minyan belen Yesu hitte wan kahan minde kuku kanbe esen mere irde, “Dufayger wilaknen nurde ha kenem igin sope nirayin,” inyin.

⁴¹ Gwaha inkeb Yesu belen buninen wor po nurdeb hani temeyde al go tanaryin. Irdeb, “Igin sope giren geb, igin hawa!” inyin.

⁴² Irkeb goyare po usu bulun go hubu hekeb igin hirin.

⁴³⁻⁴⁴ Irkeb Yesu belen, “Al hoyan kura mata gake momon ma yirayin,” inen hayhay irdeb, “Al Kurun dolon ird ird mata doyan mar hitte po kun ulge yikala yirayin. Irkeb ulge go kenen fudinde igin hihi yekeb Mose belen bikken yirin mata

goyen gama irde dapɲa kura teɲ mel go yunkeb ge niɲ teɲ Al Kurun kumba teɲ unnayin. Irkeb al tunɲan fudinde igin haha yeɲ gennayin,” inenbe, “Iginɲe kwa!” inyin.

⁴⁵ Goyenpoga al go siɲare kuɲbe igin hirin goke mali po tagalde tukurin. Irkeb mere go kuɲ kurun hirin. Goke teɲbe Yesu goyen taunyan kawan heɲ kutek ma irkeb al miɲmon naɲayan po heɲ kuɲ hinhin. Goyenbe albe tiyun kurhan mat kurhan mat kinnin yeɲ waɲ hinhan.

2

Yesu belen al ulin kamtin sope iryin (Matiyu 9:1-8; Luk 5:17-26)

¹ Be, wawun karwo ma sipte wet kura henbe Yesu go teban Kapeneam kurin. Kuɲ yare hikeb albe nuramin.

² Nurdeb kinnin yeɲ al budam waɲ yare gor gabu iramin. Irkeb Yesu belen saba tagalde hinhin. Ya biɲ bana goɲbe gasun makin wor po hirin. Ya siɲare wor gwahade po.

³ Gwaha teɲ hikeb al sipte kura gore al ulin kamtin sapirte teɲ wayamin.

⁴ Gega belen gwaha mat kura Yesu hitte tukutek mon yirkeb teɲ ya goyen hende hurkamin. Hurkuɲbe Yesu hinhin turte gor yamen iramin. Irdeb garbam al go sapirte palgir irke Yesu hinhin binde kurkurin.

⁵ Irkeb Yesu belen dufaymin tareɲ go yenenbe al ulin kamtin goyen, “Urne, mata bulunɲe halde gunhem,” inyin.

⁶ Goyenterbe Moseyen saba mar kura gor keperdeb binde po,

⁷ “Al gabe al dahade niñgeb mere gwahade tiya? Al Kurun po gab alyen mata bulun halde hiyen. Yenbe Al Kurun sukal irde hi,” yen dufay heñ hinhan.

⁸ Gwaha ten hikeb Yesu beñ yeney bebak tenbe gaha yinyin: “Danin dufay gwahade kerde han?

⁹ Daminbe meteney? ‘Mata bulunge halde gunhem,’ inhem goyen ma ‘Huwarde sapirge ten kwa,’ iney goyen?

¹⁰ Gogab den beñ, ‘Nebe Al Urmin,* megen nin marte mata bulun halde halde sanin minyan,’ yen nennayin,” yinyin. Gwaha yinenbe garbam al goyen,

¹¹ “Ne gare ginhem. Huwarde sapirge ten yager kwa!” inyin.

¹² Inkeb al tumnan keneñ hikeya huwardeb sapirmin ten sinare kat kurin. Irkeb al tumnan gor hinhan goreb hurkunat tenbe, “Ey, mata gahade kura ma keneñ hityen. Da matabe gago?” yenbe Al Kurun turun iramin.

*Yesu beñ Liwai hoy iryin
(Matiyu 9:9-13; Luk 5:27-32)*

¹³ Be, Yesu go teban Galili fe ala kurun ferenyan kun hikeb al budam yen hitte wayamin. Irkeb saba yirde hinhin.

* **2:10:** Al Urmin gote minbe alya bereya Al Kurun hitte Yumulgan ten ten Al. Daniel 7:13 gorbe denem Al Urmin goyen hi.

14 Kun henjabe Alfius urminj Liwai teks yad yad gasunde† keperde metenj tenj hike kinyinj. Kenejbe, “Gama nira,” inkeb Liwai go huwarde gama iryinj.

15 Be, Yesu go komatminya Liwaiyen yare kunjbe Liwaiyen metenj kadom yagoya Moseyen saba kenkela ma gama irkeb Yuda marte tikula sanj po gama irde hanjen Farisi mar belenj “mata bulun mar” yinenj hanjen mar goya dula tenj hinhan. Al budam yenya hinhan.

16 Gwaha tenj hikeb Farisi mar kura Moseyen saba tagalde hanjen mar belenj yenenbe Yesuyen komatminj goyen yinaminj: “Dahade ninjeb yenbe teks yad yad marya ‘mata bulun mar’ yinenj hityen mar goya dula tenj hanj?”

17 Gwaha yinke nurdeb Yesu belenj wol henjbe, “Al ulinje iginbe guram al ninj ma nurde hanjen. Garbam al po gab guram al ninj nurde hanjen. Nebe nenj al huwak yenj nurde hanj mar goyen faranj yure yenj ma wamirinj. Gwaha titjenbe nenjbe mata bulun mar yenj nurde hanj mar faranj yure yenj wamirinj,” yinyinj.

Farisi mar belenj binje kutnja ird ird mata ninj Yesu gusunjanj iraminj

(Matiyu 9:14-17; Luk 5:33-39)

18 Be, Yon Baptaisyen komatya Farisi maryabe binje kutnja irde hinhan. Irkeb al kura Yesu hitte wanjbe, “Yonyen komatya Farisi marte komatyaabe binje kutnja irde hanj gega, daniñ geb

† 2:14: Roma gabmanyen teks hora tenj tenj gasunj. Roma gabmande hora tenj tenj goke Yuda mar belenj iginj ma nurde hinhan.

komatgebe gwaha ma ten hanj?” inen gusunanj iraminj.

¹⁹ Irkeb Yesu belen wol henbe gaha yinyinj: “Dahade ningeb tikin mere minj al yingen hikeya binje netek marbe binje kutnja irnayinj? Gobe epte moj.

²⁰ Gega kame kura tikin mere minj al go yubul ten kuke gab iginj binje kutnja irde hinayinj.

²¹ “Al kura amil gergen ten amil bikkekya ma gada iryen. Gwaha iryen gobe amil gergen gote kanj belen amil bikkek yulun tikeb yamenj go kurunj wor po hiyyen.

²² Al kura wain fiminj gergen ten dapnja sikken belen po wain fiminj hen hen irtinj bikkek bana gonj ma unyen. Gwaha iryenbe wain fiminj gergen goreb wain fiminj hen hen bikkek goyen kunga tike erek nene wok yen pasi hekeb det irawakde tumnanj bulun hiriryen. Ningeb wain fiminj gergenbe wain fiminj hen hen gergen bana po untek,” yinyinj.

*Yesube Sabat nalu gote minj al
(Matiyu 12:1-8; Luk 6:1-5)*

²³ Be, Sabat nalu kurare kurab Yesuya komatminja wit[‡] metenyanj kunj hinhan. Kunj henbe komatminj belen wit iginenj yad naminj.

²⁴ Go nene hikeya Farisi mar belen wanj yenenbe Yesu goyen, “Sabat nalure mata gwaha ma ten hinayinj yitij goyen komatge yago belen mata ten hanj gabe dahade?” inaminj.

[‡] **2:23:** Witbe rais yara. Gore beret irde hanjen.

²⁵ Irkeb Yesu belen wol henbe gaha yinyin:
 “Dewitya kadomya bingge kamde mata tiyamin
 gobe ma kapyan hen nurde hanyen?”

²⁶ Abiatar belen Al Kurun dolon ird ird mata
 doyan mar gote kurunmin hinhinyabe Dewit
 belen Al Kurunyen ya balem bana hurkun bingge
 himam Al Kurun dolon ird ird mata doyan marte
 kudinen goyen yade kadomya namin.

²⁷ Ningeb Al Kurun belen albe Sabat nalu nin
 ma iryin. Sabat nalube al nin iryin.

²⁸ Ningeb Sabat nalu goyen wor ne Al Urmin
 gabe gote min al,” yinyin.

3

Al hani nonbo hitin sope iryin (Matiyu 12:9-14; Luk 6:6-11)

¹ Be, wawun kurare kurab Yesu go Yuda marte
 gabu yare hurkurin. Bana gonbe hani nonbo
 hitin al kura hinhin.

² Ya bana gon hinhin mar goyen kurabe Yesu
 belen Sabat nalure sope irke goyenter merem yan
 irnin yen kintinde kintinde hinhin.

³ Irkeb Yesu belen al hani nonbo hitin goyen,
 “Kun al dilin mar huwara,” inyin.

⁴ Irdeb gor hinhin mar goyen, “Sabat nalure
 mata dahadebe igin? Mata bulun ma mata igin?
 Ningeb al sope yirtek ma yubul titeke kamnayan?”
 yinen gusunan yiryin. Gwaha yinkeb mel gobe
 merem mon, don uramin.

⁵ Irkeb Yesu belen tonan taren mar goyen yenen
 tukunbe bin ar yirin gega, buninen nurde yunyin.

Irdeb al go, “Hange giñ ira,” inkeb hanin giñ iryin. Irkeb goya goyen po igin hirin.

⁶ Gwaha tike keneñbe Farisi mar gobe kat kun Herotyen marya gabu heñ daha mat kura Yesu mayteke kami yen mere sege iramin.

Al budam Yesu gama irde hinhan

⁷ Be, Yesuya komatminya gobe gor mat Galili fe ala kurun sinare kurkamin. Kurkukeb Galili nana bana gon nin al budam gama iramin.

⁸ Yesu mata ten hinhin gote mere momon nurdeb al budam Yerusalem, Saidonyabe, Tair taunde ninya Yudiaya Idumea nana bana gon nin alya Yodan fe sina kurhan kurhan mat wan Yesu hitte gabu iramin.

⁹⁻¹⁰ Yen beñbe al budam sope yiryin. Irkeb garbam mar kura gor hinhan goreb Yesu sisan urnin yen kadam wen yupepel yirde kwamin. Al budam gwaha tikeb Yesu beñ komatmin yago goyen, “Hakwa kura tawan nunnan. Gogab al farkaka ma nirnayin ge,” yinyin.

¹¹ Be, unğura al ketal yurtin hinhan goreb Yesu keneñ kafura heñbe, “Gebe Al Kurun Urmin wor po!” inen megen katen kekew ten hinhan.

¹² Gega Yesu beñ, “Al hoyan goya momon yirde ma!” yinen sanin po hayhay yirde hinhin.

Yesu beñ komatmin 12 yawaryin

(Matiyu 10:1-4; Luk 6:12-16)

¹³ Be, Yesu go nana dondonende kura gor hurkun al goyen yaware yen nurde yunen hinhin mar go po deñ yurke yen hitte hurkamin. Yen hitte kukeb al 12 yawaryin.

14-15 Irdeb al 12 gokeb, “Yeñbe neya hitek. Irde hulyañ yirmeke kuñ saba tagalde tukuñ hinayin. Tareñ yunmeke unğura yakira teñ hinayin,” yeñ mel goyen “Komatne yago” yinyin.

16 Al 12 yawaryin gote denembe Saimon, deñ gergeñ unyinbe Pita,

17 Sebedi urmin warañ Yemsa kulin Yon denem gergeñbe Boaneges. Deñ gote minbe mohon ukam yañ daga kulin yara.

18-19 Kurabe Andru, Filip, Batolomiyu, Matiyu, Tomas, Yems yeñbe Alfius urmin, Tadius, Saimon yeñbe Selot,* irde Yudas Iskariot. Yudas Iskariot gobe kame Yesu nin asogo hay hirin al go goyen.

Yesuya Unğura Belsebulya

(Matiyu 12:22-32; Luk 11:14-23; 12:10)

20 Be, Yesuya komatminya gobe yare hurkunbe, “Binçe ninin,” yamin. Gega al budam heñ ga mon sopte wañ gabu irkeb epte ma dula titek hamin.

21 Goyenterbe Yesu tayneñ goyen, “Yesube kukuwa heñ hi,” mere momon nuramin. Irdeb Yesube ya goyenter hi yeñ nurdeb tiyunminde teñ kunin yeñ wayamin.

22 Gwaha teñ hikeyabe Moseyen saba mar kura Yerusalem mat kateñ Yesu nin yeñbe, “Al gabe unğurayen kurunmin Belsebul belen ketal urtin geb, Belsebul gote tareñde unğura yakira teñ hi,” yamin.

23 Gwaha yeke nurdeb Yesu belen wanañ yinke wañ gabu irkeb siraw merere gaha yinyin: “Da-

* **3:18-19:** Roma gabman asogo irde hinhan mar gote denembe Selot.

hade niᅅgeb Satan belen uᅅgura kadom yakira tiyyen?

²⁴ Al miᅅ kurun kura belen yingen ulin kadom asogo gird ten bur yenayin gobe taren ma hen tumᅅan bulun henayin.

²⁵ Irde al miᅅ unᅅkuren wor gwahade po yingen ulin kadom asogo gird ten bur yenayinbe tumᅅan mugol nenayin.

²⁶ Niᅅgeb gwahade goyen po Satan belen uᅅgura yen yufukde han goyen bulun bulun yiryenbe dahadem sanin henayin? Epte mon. Gwaha tinayinbe tarenmin hubu hiyyen.

²⁷ “Al kura epte ma al taren minyanᅅde yare hurkun detmin yawaryen. Gwaha tiye yenbe al sanin minyan go wa ten fere tike hike gab epte detmin yawaryen.

²⁸ Fudinde wor po dinen hime. Mata bulunya sukal meretinyabe Al Kurun belen igin halde dunyen.

²⁹ Gega Holi Spirit sukal irnayinbe epte ma wor po halde dunyen. Mata buluntin gobe huginen hiyen,” yinyin.

³⁰ Yesu belen gwaha yinyin gobe Farisi mar gore yen ge yen, “Yenbe unᅅguram yan,” yekeb gogo gwaha yinyin.

*Yesu milinya kulin wenya
(Matiyu 12:46-50; Luk 8:19-21)*

³¹ Be, Yesu go gwaha ten gor hikeb milinya kulin wenya wan forok yenbe Yesu hinhin ya goyen sinare henbe yen ge keya hamin.

³² Irkeb Yesu hitte waŋ milgu irde keperde hinhan mar beleş nurdeb, “Momkeya kolge yagoya waŋ siŋare ga heŋ ge niŋ yeŋ haŋ,” inamiŋ.

³³ Gwaha inkeb, “Ganuŋbe mamneya kolne wenya?” yineŋ gusuŋaŋ yiryiŋ.

³⁴ Irdeb alya bereya keperde milgu iramiŋ mar goyen yeneŋbe, “Mamneya kolne wenyabe gago haŋ!

³⁵ Alya bereya Al Kurunyen dufay gama irde haŋ marbe kolne, hayneya mamne yagoya,” yinyiŋ.

4

Yasuŋ alyen maya mere (Matiyu 13:1-9; Luk 8:4-8)

¹ Be, Yesube Galili fe ala kurun siŋare kura gor tebaŋ sabamiŋ miŋ uryiŋ. Gorbe al budam wor po gabu iramiŋ. Niŋgeb Yesu go hakwa dirneŋ kura goyen hende hurkuŋ keperde saba yirde hike albe fe siŋare heŋ sabamiŋ palŋa irde hinhan.

² Sabamiŋ budambe maya mere mat yirde hinhin. Maya meremiŋ kurabe gahade:

³ “Ga nurnaŋ! Al kura wit muykeŋ tur ire yeŋ metenmiŋde kuriŋ.

⁴ Kuŋbe wit muykeŋ tur irde tukuriŋ. Goyenbe kura soŋ heŋbe beleŋyaŋ katamiŋ. Katkeb nu beleŋ namiŋ.

⁵ Kurabe hora arat geb, megeŋ halgayiŋ bana katamiŋ. Irdeb araŋ po kawaŋ hamiŋ.

⁶ Goyenbe filginiŋ tareŋ ma hitiŋ geb, naŋa beleŋ kumga yirke algup nen kamamiŋ.

⁷ Wit muykenj kurabe soñ heñ yamuñ duwi bana katamiñ. Irde igiñ kawan hamiñ gega, yamuñ duwi belen awrum yurke nonbo heñ igineñ ma hamiñ.

⁸ Goyenpoga kurabe megenj igiñyañ wor po katamiñ. Katenj kawan heñ karkuwan heñbe igineñ budam wor po forok yamiñ. IGINEÑ KURABE 30, KURABE 60, IRDEB KURABE 100 GWAHADE FOROK YAMIÑ,” yiniñ.

⁹ Gwaha yinenbe, “Mere tenj hime gayen bebak tiniñ yenbe kenkela palña irde gab bebak tinayiñ,” yiniñ.

¹⁰ Be, al hoyañ bur yeñ pasi hekeb komatimiña al kura yeñ gama irde hinhan marbe yeñ hitte wañ kalyañ kerdeb siraw mere tiyyiñ goke gusuñañ iramiñ.

¹¹ Irke wol heñbe gaha yiniñ: “Denbe Al Kurun belen alya bereyamiñ doyañ yird yird mata banare hiyen goyen gago kawan dikala dirhem. Gega ne ma nenkela heñ hañ marbe siraw mere tenj hime gate miñ ma nurnayiñ.

¹² Ga mata gake Al Kurunyen mere basañ al Aisaia belen bikkenj gahade kayyiñ:

‘Yenbe keneñ hinayiñ, gega bebak ma tenj hinayiñ,

irde mere nurde hinayiñ, goyenbe miñ go ma nurde hinayiñ.

Moñ manhan biñ mulgañ hekeb Al Kurun belen mata bulunmiñ halde yunwon,’ katiñ hi,” yiniñ. *Aisaia 6:9-10*

Yesu belen yasun alyen maya mere gote min tagalyin

(Matiyu 13:18-23; Luk 8:11-15)

¹³ Irdeb sopte gaha yinyin: “Yasun alyen maya mere gate minbe mun kura ma nurde han? Niṅgeb daha matbe siraw mere hoyan goyen min bebak tinayin?”

¹⁴ Yasun alyen maya mere gote minbe gahade: yasun al belen wit muyken tur iryen gote minbe al kura belen Al Kurunyen mere tagalde tukuyen.

¹⁵ Al kurabe wit muyken belenyan kattin go gwahade goyen. Al Kurunyen mere nurkeb goyare po Satan belen wan binde mere goyen goran yiryen.

¹⁶⁻¹⁷ Munan kurabe Al Kurunyen mere nurde aman henayin. Goyenbe mere goke ten kanduk forok yekeb Al Kurunyen mere goyen aran po tubul tinayin mar gobe wit muyken hora arat bana kattin go gwahade goyen.

¹⁸ Al kurabe wit muyken yamun duwi dugu bana kattin yara. Yenbe Al Kurunyen mere nur-nayin.

¹⁹ Gega hen henmin ge ug po dufay hen kanduknen nurde, megen nin samunya det kurayen kurayen yad yad nin po bin harde hike gore Al Kurunyen mere bin bana hiyen goyen hika tikeb nonbo hen iginen ma hiyyen.

²⁰ Munan kura marbe wit muyken megen iginyan katen kawan henbe iginenbe budam 30, 60, kurabe 100 gwahade forok yenayin go gwahade yara. Al gobe Al Kurunyen mere nurde binde kerde gama irdeb gote iginen budam wor

po forok yiryen,” yinyin.

Hulsiyen maya mere
(Luk 8:16-18)

²¹ Irdeb sopte gaha yinyin: “Al ganun kura hulsi usun urde tukuñ koron ten aw urde hiyen? Ma tukuñ pon bana kerde hiyen? Hubu wor po. Gwaha irtinjenbe ten omasin hende binjun irde hiyen.

²² Ningeb det kura banare han goyen kamebe tumnan kawan forok yenayin. Irde det kura malare han gobe tumnan kamebe hol yirke kawan heke yennayin.

²³ Mere tihim ga min nurnin yenbe kenkela palna irde bebak tinayin,” yinyin.

²⁴ Gwaha yinenbe sopte gaha yinyin: “Mere nurhan gake kenkela dufay henayin. Mere gabe fudinde yen gama irkeb go hendebe Al Kurun bejen dufay igin budam dunyen.

²⁵ Fudinde, al kura mere gate min nurde bin hol iryenbe Al Kurunyen dufay makin wor po hiyyen. Goyenpoga mere gobe nuryen gega, gama irtek ma iryen al gobe Al Kurun bejen bikken dufay untin go wor tumulgan tiyyen,” yinyin.

Det muyken kawan hen henyen siraw mere

²⁶ Be, Yesu bejen sopte gaha yinyin: “Al Kurun bejen alya bereyamin doyan yirde hiyen gote matabe gahade: al kura metende kun wit muyken tur iryen.

²⁷ Irde mulgan hen yare wan ferd fay hiyen kurun gobe wit muyken goyen gwaha mat kura pul yen kawan hen hi yen ma nurde hiyen.

28 Hiyeñ kurun gobe megen fimiñ tenbe kawan heñ kurun heñ hiyeñ. Hanjapyabe pigin wa forok yiyyeñ. Irkeb gor matbe fuwala hiyyeñ. Irde go kamereb igineñ budam wor po henayiñ.

29 Wit sak yeñ yeñ nalu hekeb meteñ miñ al wañbe wit wal wal bidila tukun walde yawaryeñ,” yinyiñ.

*Mastet he bilmiñ gote siraw mere
(Matiyu 13:31-32,34; Luk 13:18-19)*

30 Be, Yesu beleñ sopte gaha yinyiñ: “Al Kurun beleñ alya bereyamiñ doyañ yird yird gobe dahade yeñ nurtek? Irde da siraw merere tagaltek?

31 Al Kurun beleñ alya bereyamiñ doyañ yird yird gobe mastet he bilmiñ dirneñ muñ wor po megen kawan hiyyeñ go gwahade goyen.

32 Kawañ heñ kun kurun heñ haniñ karkuwan hekeb nu beleñ wañ goyañ hagam yirde hinayiñ,” yinyiñ.

33 Be, Yesube maya mere budam gahade gayen po igiñ bebak tinayiñ mat saba yirde hinhin.

34 Yeñbe siraw merere po saba yirde hinhin. Gega komatmiñ yagoya po heñbe siraw mere gote miñ banare niñ goyen kawan bebak yirde hinhin.

*Yesu beleñ meñeya dubaya masi yiryiñ
(Matiyu 8:23-27; Luk 8:22-25)*

35 Be, goyen wawunbanabe Yesu beleñ komatmiñ goyen, “Fe ala siña kurhan iron kunin,” yinyiñ.

36 Gwaha yinkeb al buda kurun goyen gor po yubul tenbe Yesu hinhin hakware gor hurkunbe

kwamiñ. Irkeb al hoyañ wor hakwa kura hende hurkuñbe Yesu gama iramiñ.

³⁷ Kuñ hikeb meñe tareñ po huwaryiñ. Irkeb fe goyen makañ duba yara karkuwañ huwarde wañ hakwa siñsiñyañ mayde biñ bana kurkuñ hinhin.

³⁸ Goyarebe Yesu go hakwa kimyañ beleñ kalku hende ferde hinhin. Irke komatmiñ beleñ igiñ ma nurde isañ heñbe, “Tisa, kamniñ teñ hite gabe igiñ nurde ha?” inamiñ.

³⁹ Irkeb Yesu go huwardeb meñeya dubaya goyen masi yirde, “Bada hiri!” yinkeb goya po yul yeñ kamaryum.

⁴⁰ Irkeb Yesu beleñ komatmiñ yago goyen, “Denbe sañiñne ma keneñ bebak teñ hañ geb, gago kafura heñ hañ?” yinyiñ.

⁴¹ Irkeb komatmiñ yago gobe kafura wor po heñ kadom gusañ gird teñbe, “Da albe gago? Meñeya makanya wor meremiñ nurhar!” yamiñ.

5

Yesu beleñ al unguram yañ sope iryiñ (Matiyu 8:28-34; Luk 8:26-39)

¹ Be, Yesuya komatmiñya gobe Galili fe ala kuruj siña kurhan Gerasa marte nañare forok yamiñ.

² Irdeb Yesu gobe hakwa tubul teñ siñare kat kukeb al kura unguram yañ beleñ Yesu kene yeñ bembare mat wayyiñ.

³ Al gobe bembayañ ferde kuñ hiyen. Yeñbe al beleñ epte ma tanarde fere titek. Kañ tareñ sende wor epte ma fere titek hiyen.

⁴ Tanarde kahanya haninya fere ten hanyen. Gega sen kirintiktuk hen kahañde nin ain manañ yukala ten hiyen. Ningeb al belen epte ma hikaka irde fere titek hiyen.

⁵ Yenbe huginen duguyan kuñ bembayan hen kekew ten sikken hora po ilka ten hiyen.

⁶ Be, al gore Yesu go gisaw mat po kenenbe kup yen wañ Yesu kahañ minde katen dokolhon yugulun tiyyin.

⁷⁻⁸ Irkeb Yesu belen ungura goyen, “Ungura, gebe nurde gunen hime. Al ga tubul ten kat kwa!” inkeb ungura gobe woywoy yen kekew tenbe, “Yesu! Gebe Al Kurun tarenmin kurun wor po gote Urmin. Daha niren ten ha? ‘Bulun ma giren,’ ninenbe masi tiyayin,” yen esen mere iryin.

⁹ Irkeb Yesu belen, “Dengebe ganun?” inyin. Irkeb wol henbe, “Nenbe budam po hite geb, denbebe Legiyon,”* inyin.

¹⁰ Irdeb, “Nana hitere gar mat hoyande ma dakira tiyayin,” inen esen mere irde parsay iryin.

¹¹ Be, mel go hinhan bindere gorbe bu budam wor po dugu dabayinde kura gor nuku ten dulan ten hinhan.

¹² Irkeb ungura buda goreb, “Ge belen ok dinkeb kuñ bu iro ketal yurnin,” inen Yesu esen mere iramin.

¹³ Irkeb Yesu belen wol henbe, “Igin,” yinkeb ungura buda goyen al go tubul ten kuñ bu buda goyen ketal yuramin. Irkeb bu buda 2,000 goyen tumnan hul yen kuñ hamulare mat fe ala bana kurkuñ fe nene kamamin.

* **5:9:** Legiyon gote minbe fulena mar budam 5,000 nin yitin.

14 Irkeb bu doyañ mar beleñ mata goyen keneñbe busaharde tiyuñmiñyañ irde metenyañ kuñbe mata forok yiriñ goke tagalde tukamiñ. Irkeb mere go nurdeb al budam mata goyen kinniñ yeñ kwamiñ.

15 Kuñbe uñgura ketal urtiñ al go dufaymiñ wuk yitiñde umña teñbe Yesu hinhide gor keperde hike keneñbe kafura hamiñ.

16 Irkeb mata go forok yeke kenamiñ mar goreb uñgura ketal urtiñ al goyen daha mat igiñ hiriñ goyabe bu fe nene kamamiñya goyen goke momoñ yiramiñ.

17 Irkeb al buda gore mere go nurde kafura heñbe Yesu goyen, “Naña ga tubul teñ kwayiñ,” inamiñ.

18 Gwaha inkeb hakwa hende hurkuñ hikeb sope iryiñ al goreb, “Yesu, igiñ gama giren?” inyiñ.

19 Irkeb Yesu beleñ ok ma inenbe, “Mulgañ heñ tayge hitte kuñ Al Kurun beleñ buninen girde sope gira goke momoñ yirayiñ,” inyiñ.

20 Irkeb Dekapolis naña bana Yesu beleñ sope iryiñ goyen tagalde tukun hinhin. Tukukeb al budam al go keneñ meremiñ nurdeb diliñ fot yamiñ.

Yesu beleñ garbam bereya bere dirneñ kamtiñ sope yiryiñ

(Matiyu 9:18-26; Luk 8:40-56)

21 Be, Yesu gob sopte mulgañ heñ fe ala kurun siña kurhan Kapeneam kuñ fe siñare hikeb al budam wañ gabu irde kalyañ keramiñ.

²² Irkeb gor niñ Yuda marte gabu ya doyañ al kura Yairus gore Yesu hitte wayyiñ. Wañ keneñ yende palap matare Yesu kahañ miñde urguñ kañ kuku teñbe,

²³ “Werne kameñ teñ hi. Niñgeb arañ wañ hange kerd unkeb igiñ heñ huwaryeñ,” ineñ esen mere iryiñ.

²⁴ Irkeb meremiñ goyen nurde Yesu go yenya kwaryum. Kuñ hikeyab al budam kalyañ kerde tawtaw irde gama irde hinhan.

²⁵ Be, goya goyenbe bere kura danduku miñyañ goyen al gabu irde kuñ hinhan bana goñ kuñ hinhin. Garbam gobe gayakkek moñ. Damamiñbe 12.

²⁶ Niñgeb bere gobe garbam goke guram al budam hitte sope nirnañ yeñ kuñ heñbe horamiñ go hende pasi irde hiyen. Goyenpoga guram kurayen kurayen gore igiñ ma irde hiyen. Igiñ hitheñbe buluñ wor po heñ hiyen.

²⁷⁻²⁸ Gega Yesuyen mere momoñ nurde hiyen geb, “Kuñ amilmiñ po sisan urdeb igiñ heweñ,” yeñ dufaymiñ sañiñ irdeb kuñ al buda goyen pota yirde Yesu harhok belen mat amilmiñ sisan uryiñ.

²⁹ Irkeb dari temeyde hiyen goyen goyare po hubu hiriñ. Irkeb, “Garbam go nubul tiya,” yeñ nuryiñ.

³⁰ Be, goya goyen po Yesube tareñmiñ tubul teñ kuriñ goyen nuryiñ. Nurdeb al budam gama irde hinhan goyen fulgañ kañbe, “Ganuñ belen sisan nura?” yineñ gusuñañ yiryiñ.

³¹ Irkeb komatmiñ yago belen, “Al karim ma kalyañ gerde hañ gayen go ma yeneñbe ‘Ganuñ

sisan nura?’ yen gusunan hen ha?” inamin.

³² Gega Yesube, “Ganuñ beñ sisn nura?” yen nankenen po hinhin.

³³ Irkeb bere gobe ulinde mata forok yirin goyen nurdeb kafura hen barbar yenbe wan Yesu kahan minde katen dokolhon yugulun tenbe, “Ne beñ tihim,” inen garbam bikken hiyen goyen goke fudinde po momon iryin.

³⁴ Irkeb Yesu beñ, “Werne, Al Kurun beñ dufayge tareñ go kenenbe sope gira geb, kandukge hubu hihi. Ningeb amanen nurde kwayin,” inyin.

³⁵ Be, Yesu beñ bere goyen mere irde hikeyabe al kura gabu ya gote doyan al Yirusyen yare mat wanbe, “Werge bikken kama geb, tisa ga tuktawan irde ma,” inamin.

³⁶ Gwaha inkeb Yesu mere go nurdeb Yirus inyin. “Kafura hen ma yo. Al Kurun nin po dufayge sanen irayin.”

³⁷ Gwaha inenbe yen gama irde hinhan mar gob tunan yakira tenbe Pita, Yemsa kulin Yonya po yade kurin.

³⁸ Be, kun Yirusyen yare forok yenbe gor hinhan mar gore esen nan ten kekew ten epte ma ten hinhan goyen yinyin.

³⁹ Irdeb ya bana hurkunbe, “Danin kekew ten esen bulun po ten han? Dirin gabe ma kama. Dulin ferde hi,” yinyin.

⁴⁰ Gwaha yinkeb gor hinhan mar gore hinman iramin. Irkeb Yesu beñ ya bana hinhan mar go, “Sinare kuan!” yinen yakira tenbe dirin gote milinya naninya irde komatmin karwo go po yade dirin hakwam hinhin bana gon hurkamin.

⁴¹ Irdeb dirin gote hani tanarde, “Talita, kum!” inyin. (Meremin gote minbe, “Bere dirnen, ne beley ginhem ge. Huwara!”)

⁴² Irkeb goyare po bere dirnen go huwarde goyan go kun waj tiyyin. (Yenbe damamin 12.) Gwaha tikeb go kenamin marbe dilin fot yamin.

⁴³ Irkeb Yesu beley, “Mata kenhan gayen gake ma wor wor tagalde tukunayin,” yinenbe, “Bere dirnen ga binje kura unke niwi,” yinyin.

6

Yesu go tiyunmin Nasaret mat takira tiyamin

¹ Be, Yesu beley nana bana go tubul ten komatminya tiyunmin Nasaret hurkamin.

² Irkeb Yuda marte usan nalu Sabat forok yekeb gabu yaminde kun saba tagalyin. Sabamin gob hoyan wor po nurdeb hurkunkat tenbe, “Al gabe saba dare nin tiyun? Dufaymin yago wor folekken. Yenbe mata tinen tinen yirde hi!

³ Yenbe kapenta mon? Irde Maria urmin mon? Kulin yagobe Yems, Yosep, Yudasyab Saimonya. Haymin yagobe nenya ma gar tumnan hityen?” yamin. Irde binde bulun nurd unamin.

⁴ Gwaha tikeb Yesu beley, “Al Kuruyen mere basan albe taynenya tiyunminde nin marya beley palap ma irde hanen,” yinyin.

⁵ Irdeb Al Kuruyen tarende mata tinen turunyan kura epte ma irtek hirin. Gorbe garbam mar yunkurenen po hani kerd yunen sope yiriyin.

⁶ Tiyunminde nin mar beley Yesu mata ten hinhin go kenen fudinde yen ma nurde hikeb kukuwamnen nuryin.

*Yesu beleŋ komatmiŋ 12 hulyaŋ yiryiŋ
(Matiyu 10:5-15; Luk 9:1-6)*

Be, gwaha teŋbe Yesu tiyuŋ kurayaŋ kurayaŋ kuŋ saba tagalde hinhin.

⁷ Irde komatmiŋ 12 go hoy yirke waŋ gabu irkeb irawam irawam hulyaŋ yiryiŋ. Irdeb uŋgura yakira teŋ teŋ tareŋ manan yunyin.

⁸⁻⁹ Komatmiŋ yago goyen kuniŋ teŋ hikeb gaha yinyin: “Deŋbe biŋge, kalwa, horaya det hoyan goya ma yawarnayin. Kahaŋ basaŋtiŋ po yerde genuŋ po yanarde kunayin. Uliŋhorbe uliŋde haŋ gog ep. Hoyan ma yawarnayin.

¹⁰ Kuŋ tiyuŋde kura forok yeŋbe ya uŋkureŋde po heŋ meten teŋ hinayin. Ya kurar kurar ma hinayin. Irdeb meten pasi irdeb tiyuŋ go tubul teŋ hoyan de kunayin.

¹¹ Gega tiyuŋ kurar kura kuŋ forok yeke sabatiŋ ma nurde dakira tikeb kahaŋtiŋde niŋ tupi yaraŋ teŋ tiyuŋmiŋ go tubul teŋ kunayin. Gwaha tike gab Al Kurun diliŋde mata buluŋ titekeb gogo gwaha tahaŋ yeŋ nurnayin,” yinyin.

¹² Gwaha yinkeb mel go tubul teŋ kwamiŋ. Irde mata buluŋ yubul teŋ Al Kurun niŋ biŋ mulgan heŋ heŋ mata goyen alya bereya hitte tagalde kuŋ hinhan.

¹³ Irde al budam uŋgura ketal yurtin goyen yakira teŋ al budam garbam miŋyaŋ goyen olip fimiŋde sam yirde haniŋ yerd yunke igin heŋ hinhan.

*Yon Baptais kamyin
(Matiyu 14:1-12; Luk 9:7-9)*

¹⁴ Be, Yesu denjembe kurunj wor po henj tukukeb Galili nana doyanj al kurunj Herot Antipas mananj nuryinj. Al kura marbe, “Yon Baptais kamyinj goyen mulganj hiyunj geb, gogo mata tinenj turunjanj Al Kurunjanj po titek goyen tenj hi,” yenj hinhan.

¹⁵ Al kura marbe, “Yenbe Elaia,” yenj hinhan. Munanj kurabe, “Al Kurunyen mere basanj al bikkek hinhan go goyen kura yara,” yenj hinhan.

¹⁶ Be, Herot gobe al belenj Yesu ninj gwaha mat mere ingogaha ugunj po tenj hinhan go nurdeb, “Yon bininj walmeke kamyinj al go gago sopte huwarunjanj,” yirinjanj.

¹⁷⁻¹⁸ Yenj belenj gwaha yirinjanj gote minjbe gahade: bikkenjanj Yon diwilinjanj hinhinya Herot belenj kulinjanj Filipyen berem Herodias kawem tirinjanj. Irkeb Yon belenj goke tenjbe, “Kolger bere kawem tawanjanj gobe gwaha ma tiyayinj yitinjanj goyen tiyanjanj,” inenjanj hinhinjanj. Irkeb Herot belenj Herodias ninjanj tenjbe metenjanj marminjanj hulyanj yirke kunjanj Yon haninjanj fere tenjanj tukunjanj koyare keraminjanj.

¹⁹ Gwahade geb bere gobe Yon ninjanj binjde iginjanj ma nurde unenjanjbe, “Daha mat kura maymeke kamwonjanj?” yenj nurde hinhinjanj. Gega yinjenjanjbe epte monjanj.

²⁰ Gobe Herot belenj Yonbe al huwak wor po, irde Al Kurunyen metenjanj al fudinde wor po yenj kenenjanjbe palap irde asogo maynayinj yenj kenjela doyanjanj irde hinhinjanj geb, gogo epte ma bere gore mayke kamtek hinhinjanj. Herotbe Yon belenj saba irke kanduknenjanj nurde hiyen gega, sabaminjanj go nurtek po irde hiyen.

²¹ Be, Herodias belenj, “Daha mat kura Yon

mayeņ?” yeņ nurde hinhin goyen nalu go forok yiriņ. Herot go miliņ kawaņ kiryiņ nalu goke teņbe biņge kuruņ teņbe yende meteņ mar gote doyaņ mar hoy yirke wayamiņ. Fuleņa marte doyaņ marya Galili naņa doyaņ irde haņyen marya manaņ yinke yende yare gabu iramiņ.

²² Goyen nalure Herodias wiriņ beleņ gabu kuruņde gor Herotya kadom yagoya biņge nene hinhande gor waņ tikiņ heņ gege igiņ wor po tiyyiņ. Irkeb gor gabu iramiņ mar goya Herotya amaņ hamiņ. Irdeb Herot beleņ amaņ heņbe bere goyen, “Det kuraņ nurdeb mali po gusuņaņ nirayiņ. Irkeb igiņ guneņ geb,” inyiņ.

²³ Irdeb, “Fudinde wor po ginhem. Naņa ne beleņ doyaņ irde hime ga manaņ igiņ kurhan tubul teņ gunmeke doyaņ yirde hayiņ,” inyiņ.

²⁴ Irkeb bere go miliņ hitte kuņbe, “Da det niņ gusuņaņ heweņ?” inkeb miliņ Herodias beleņ, “Kuņbe Yon tonan niņ inayiņ,” inyiņ.

²⁵ Irkeb bere go bemel po Herot hitte mulgaņ heņbe, “Haņka ga po Yon biņiņ walde tonan koruņde kerde tawaņ nunayiņ,” inyiņ.

²⁶ Gwaha inkeb Herot go kandukņeņ wor po nuryiņ. Gega haņkapyā kadom diliņde mere saņiņ po tiyyiņ goke memya heņbe Herodias wiriņ gote mere po gama iryiņ.

²⁷⁻²⁸ Irdeb goyare po meteņ almiņ uņkureņ kura hulyaņ irke koyare kuņbe Yon biņiņ walde tonan teņ koruņde kerde tawaņ bere go unyiņ. Unkeb tukuņ miliņ unyiņ.

²⁹ Irkeb Yonyen komatmiņ beleņ mere momoņ go nurdeb waņ Yon hakwam po tukuņ mete

tiyamiņ.

*Yesu belej al 5,000 biņge paka yiryiņ
(Matiyu 14:13-21; Luk 9:10-17; Yon 6:1-14)*

³⁰ Be, komatmiņ 12 kwamiņ go mulgaņ heņ gabu irdeb kalyaņ kerde mata tiyamiņ irde al saba yiramiņ goyen tumņaņ Yesu momoņ iramiņ.

³¹ Gwaha teņ hikeyab al budam po waņ gabu irke biņge netek ma hamiņ. Irkeb Yesu belej, “Deņ po wake kuņ usaņ hetek naņare kura neya balmiņ hiniņ,” yinyiņ.

³² Be, gwaha yinenbe tumņaņ hakwa hende hurkuņ naņa al miņmoņde kwamiņ.

³³ Gega Yesuya komatmiņya go al buda kuruņ go yubul teņ kukeb naņa gor kuniņ tahaņ yeņ bebak tiyamiņ. Niņgeb taun buda kuruņ bana go niņ marbe Yesuya komatmiņya kuniņ teņ hinhan gasuņde gor yeņ wa kuņ forok yamiņ.

³⁴ Be, Yesu waņ forok yeņ yenenbe al buda kuruņ go diriņ kagew yara buniņeņ yinyiņ. Irdeb det budam niņ saba yiryiņ.

³⁵⁻³⁶ Saba yirke kuņ kuņ wawuņbana wor po hiriņ. Irkeb komatmiņ belej waņbe, “Kidoma dura, irde naņa gaņbe tiyuņ binde miņmoņ. Niņgeb al buda ga yakira tike kuņ tiyuņyaņ ma metenyaņ gwahade yinģeņ biņge kura naņkeneņ damu teņ nenayiņ,” inamiņ.

³⁷ Gwaha inkeb Yesu belej, “Moņ, deņ belej biņge kura yunke nenaņ,” yinyiņ. Irkeb komatmiņ belej, “Al buda kuruņ gabe dahadem biņge yuntek? 200 denari* teņ gore biņge damu teņ

* **6:37:** Denari: Yesu hinhin nalure hora deņembe gogo. 200 denari gobe gagasi 8yen meteņ damu hora.

yunnin yeŋ dinen ha?” inamin.

³⁸ Gwaha inkeb wol henbe, “Bingetinbe dahade han? Kuŋ yennaŋ,” yinyin. Irkeb kuŋ yenenbe, “Beretbe siptesoŋoŋ, irde makan dapŋa yadibe irawa ga han,” inamin.

³⁹ Irkeb Yesu belen, “Al gabu kurun go pota yirke kuŋ yamuŋyaŋ go keperde tukunaŋ,” yinyin.

⁴⁰ Irkeb pota yirke keperamin goyen gabu kurabe 50, munaŋ kurabe 100 gwahade ala po keperde tukamin.

⁴¹ Irkeb Yesu belen beret siptesoŋoŋya makan dapŋa yadi irawaya goyen yade Al Kurun igin nurd unenbe beret go yubala ten komatmin yunin. Irkeb komatmin belen yade yukun al buda go yunamin. Makan dapŋa manaŋ gwahade po iryin.

⁴² Be, al buda go nenebe ep wor po nuramin.

⁴³ Irkeb komatmin belen binge diknen goyen gabu yiraminbe tiri 12 gayen makin yirtek hamin.

⁴⁴ Binge namin mar al parguwak po kapyan haminbe 5,000.

Yesu fe yuwalnen hende huwarde komatmin hitte wayyin

(Matiyu 14:22-23; Yon 6:15-21)

⁴⁵ Be, Yesu belen al buda go yakira tenbe goyare po komatmin yago goyen, “Den wa hakwa hende mehen hen Betsaida kunayin,” yinyin.

⁴⁶ Gwaha yinen yubul tenbe dugu dabayin belen Al Kurun mere ire yeŋ hurkurin.

⁴⁷ Be, anne silsul irkeb hakwa gob fe ala kurun kahalte forok yirin. Goyareb Yesube yenj unjkuren po dugu dabayinde gor hinhin.

⁴⁸ Gor henjabe mene kurun po huwarke hakwa go epte ma kutek hekeb mel goyen foy misinen po henj hinhan goyen yenenj hinhin. Irdeb nana minje hekeb kunj yene yenj fe hende huwarde kunbe mel go fole yirde kwenj tiyyin.

⁴⁹⁻⁵⁰ Irkeb komatminj belenj kenenbe, “Ungura wan hi!” yenj kafura henj kekew tiyaminj. Irkeb bemel po wol henjbe, “Monj, ne wanj hime geb, kafura ma! Tarenj henanj!” yinyin.

⁵¹ Gwaha yinenjbe hakwa hende hurkukeb mene kurun goyen kamyinj. Irkeb komatminjbe kenenbe dilinj fot wor po yaminj.

⁵² Gobe Yesu belenj al budam binje yunke naminj gote minj goyen tonanj tarenj irde ma nura minj geb, gogo mata tiyyin go mananj bebak ma tiyaminj.

⁵³⁻⁵⁴ Be, mel go kunj sinj kurhan Genesaret taunde forok yaminj. Forok yenj hakwa tubul tenj sinjare kurkukeb gor ninj al belenj Yesu kenenj bebak tiyaminj.

⁵⁵ Irdeb bunj yenj kunj Yesuyen mere momonj goyen tagalde tukukeb nana kurun bana go ninj mar belenj garbam mar kurabe sapir hende yerde, kurabe yadeb Yesu tiyunj damde kura hi yeke nurdeb gor po yukunj hinhan.

⁵⁶ Yesube tiyunjanya taunyanjabe tiyunj muknenj taun sinjanj kunj hikeb garbam mar maket gasunde gor yawanj gabu yirde hinhan. Irdeb esenj mere irde, “Yesu, ge belenj iginj yekeb

amilge po sisanj urdeb igin hetek,” inaminj. Irdeb gwaha tenbe garbam mar go igin hej hinhan.

7

Yesu belej asiyen mata walde yunyinj (Matiyu 15:1-9)

¹ Be, Farisi marya Moseyen saba mar kuraya Yerusalem tubul tenj katenj Yesu hinhinde gor gabu irde kalyanj keraminj.

²⁻³ Goyarebe Yesuyen komatminj yenaminjbe haninj ma haldeya binje yanarde nene hinhan. (Yuda marte matabe haninj ma haltinj gobe tikin minyanj yenj nurde mali ma dula tenj hanjen. Ninjgeb yenje asem yagot haninj hal hal belnenj goyen gama irde hanjen. Farisibe goyen mata po kenkela gama irde hanjen mar.

⁴ Go mar gobe gabu karkuwanyanj al maliya suluk hej kunj hinayinj goyen wanj yaminjyanj hejbe fe gemde ga dula tenj hanjen. Mataminj gwahade budam hanj. Kuraminjbe gisu, koronja, fe kanguya hal hal belnenj minyanj. Mali mali ma tenj hanjen.)

⁵ Gwahade ninjgeb Farisi mar goya Moseyen saba marya belej Yesu gusunanj iraminj: “Daninj geb komatge yagobe asinininj yagot mata ma gama irde haninj ma halde ga dula tenj hanj?” inaminj.

⁶ Irkeb Yesu belej wol hejbe, “Denj usi mar gahade gake tenbe bikkenj Aisaia belej asanjde kayyinj gobe fudinde wor po. Mere kayyinjbe gahade:

‘Al gabe mohonje po turunj nirde hanj.

Gega bindebe ne niŋ ma wor po nurde haŋ.
Hoyaŋde wor po haŋ.

⁷ Mel gabe megen niŋ marte saba po gama irde al
saba yirde haŋ.

Mel gabe biŋ hende hende po doloŋ nirde
haŋ,' yitiŋ hi. *Aisaia 29:13*

⁸ Deŋbe Al Kurunyen saba fudinde go yubul teŋ
mata al beleŋ forok yirtiŋ go po ga tareŋ yanarde
haŋ," yinyiŋ.

⁹ Irde sopte yinyiŋ: "Deŋbe asetiniŋ yagot mata
goyen po gama irniŋ yeŋbe Al Kurunyen merebe
dindikeŋ ge nurdeb yad yigigiri yird yird dufay
epte wor po haŋ.

¹⁰ Ga diniŋ hime gate miŋbe gahade: bikkeŋ
Mose beleŋ, 'Mamtiŋya nantiniŋya palap yirde hi-
nayaŋ,' yiriŋ. Munaŋ, 'Al kura miliŋya naniŋya
karan yuryeŋ gobe al go mayke kamyen,' yiriŋ.

¹¹ Gega deŋbe gwaha mat ma alya bereya
saba yirde haŋ. Gwaha titneŋbe, 'Dawet kura
mamtiŋya nantiniŋya yuntek goyen Al Kurun untek
yineŋ go ma yuneŋ hinayaŋ,' yeŋ saba yirde
hanyen.

¹² Deŋ beleŋ gwaha mat saba yirde hikeb
naniŋya miliŋya faran yurde hitek goyen gwaha
ma yirde hanyen.

¹³ Irdeb asetiniŋ yagot mata gore bitiŋ pet titiŋ
haŋ geb, Al Kurunyen merebe dawet mali kura
yara irde hanyen. Mata kurabe gago. Mata
budam hoyan wor gwaha po teŋ hanyen," yinyiŋ.

*Da det beleŋbe Al Kurun diliŋde al buluŋ iryeŋ?
(Matiyu 15:10-20)*

14 Be, Yesu belen al gabu iramiñ go hoy yirdeb sopte gaha yinyiñ: “Merene kenkela palña irde miñ nurnañ ko.

15-16 Biñge damiñbe igiñ yitiñ mere goya dula ten ten matatiña goyen kenkela ma gama irtebbe Al Kurun diliñde bulun dinyen yen hanyen gega, gore epte ma bulun diryen. Dawet al biñde forok yeke mata bulun tiyyen gore gab bulun iryen,” yinyiñ.*

17 Be, al gabu kurun go yubul ten kun ya biñde hurkunbe komatmiñ yago belen siraw mere gote miñ niñ gusunañ iramiñ.

18 Irkeb Yesu belen, “Den wor gwahade po, go ma nurde han? Dawet kura ten niyyen gore daha mat Al Kurun diliñde bulun iryen? Epte mon.

19 Det niyyen gobe kun dufaymiñde ma kuyen, araynende kunbe kat kuyen,” yinyiñ. (Mere gate miñbe biñgebe bulun miñmon, netek ala po yen yiryiñ.)

20 Be, Yesu belen saba goyen basañ hen gaha yinyiñ: “Al biñde mat dufay bulun forok yen monde mat kat kuyen gore gab Al Kurun diliñde bulun iryen.

21 Al biñde matbe det bulun gahade forok yen hanyen: dufay bulun bulunen, leplep mata, kawemata, al gasa yirke kamde kamde mata, al berem yan belen bere hoyañ duwan yird yird mata,

22-23 det ug po yad yad niñ dufay hen hen mata, al bulun yird yird dufay, al usi yird yird mata, uliñde po amañ hetek dufay po gama ird ird

* **7:15-16:** Asañ hoyañdebe gahade hi: “...tikiñ iryen. ¹⁶ *Al kura nurtek kenem nuryen,*” yinyiñ.

mata, kadom igiñ mat hike yeneñbe daninñ neñbe gwahade moñ yeñ nurd nurd mata, mere bulunñ mat teñ teñ mata, parpar mata, kumhaka mataya gore gab al binde mat forok yeñ Al Kurunñ diliñde al go bulunñ irde hanñen,” yiniñ.

*Fonisia bereyen dufay saninñ
(Matiyu 15:21-28)*

²⁴ Be, Yesube tiyunñ go tubul teñ Tair taun bindere kurinñ. Irde al belenñ gor hi yeñ nurd nurd goke bada henñbe ya kura goyen bana hurkunñ balminñ goñ hinñin. Gega yeñ gor hi mere momonñ gobe gwaha mat kura bana kertek ma hiriñ.

²⁵ Gwahade niñgeb bere kura wirinñ dirinñ unñgura ketal urtinñ gore Yesuyen mere momonñ nurdeb goyare po wañ Yesu kahanñ miñde katenñ dokolhoñ yugulunñ tiyyinñ.

²⁶ Yeñbe Yuda mar bere moñ. Siria nanñare ninñ Fonisia taunde gor kawanñ hiriñ. Be, bere gore wañ wirinñ unñgura ketal urtinñ minñyanñ goyen Yesu belenñ unñgura takira tiyyenñ yeñ esenñ mere iryinñ.

²⁷ Irkeb Yesu belenñ Yuda marya al miñ hoyanya goke tagale yeñ maya mere mat gaha inyinñ: “Dirinñ yubul tike yeñ wa binñge nenanñ. Dirinñde binñgebe kulu epte ma yuntek,” inyinñ.

²⁸ Gwaha inkeb bere gore wol henñbe, “Be, Doyanñ Al Kurunñ. Mere taha gobe fudinñde. Gega dirinñ dula tike binñge dikñenñ katkeb kulu wor nene hanñen,” inyinñ.

²⁹ Irkeb Yesu belenñ, “Be ninñ, mere gobe igiñ mat wol haha geb iginñge kwa. Unñgura bulunñbe werge tubul tiya geb,” inyinñ.

³⁰ Irkeb bere gobe yaminde kun wirinbe unğura go tubul teñ kuke igin hen gasunde ferde hike kinyin.

Yesu beleş al melak kandukya kirmin titminya sope iryin

³¹ Be, Yesu go Tair taun şınakyan tiyun han goyen yubul teñ Saidon taunde kurin. Gor matbe kurkun Galili fe ala kurun şınayan mat kunbe Dekapolis nanare kurin.

³² Irkeb kura mar beleş al kura kirmin titmin irde melak kanduk geb mere kenkela ma teñ hiyen al goyen teñ yeñ hitte wañ hanin kerde sope ird unwoñ yeñ esen mere iramin.

³³ Irkeb Yesube al budam hinhan goyen yenen al go mun po teñ tapat irde hanin faw yade al gote kirmin bana yerdeb hanin meyan irde al go melak sisan uryin.

³⁴ Irdeb al go buninen kenenbe Al Kurun gusunan irdeb al go “Efata!” inyin. (Mere gote minbe “Fegela!”)

³⁵ Goyare po al go kirmin wuk yirin, irde melak kanduk go hipirken heke mere kenkela tiyyin.

³⁶ Irkeb Yesu beleş al buda go, “Mata kenhan gake tagalde ga ma!” yinen hayhay yiryin. Goyenbe hayhay yirman hiriñ gega epte moñ. Mata tiñen kenamin goke tagalde tururu urde tukun hinhan.

³⁷ Yesu beleş kirmin titminya melak kandukya minyan al sope iryin goyen gote mere momon nurdeb al budam hurkunkat teñbe, “Yeñ det yirde hi gob igin ala po. Kirmin titminya melak

kandukya miñyañ mar wor sope yirke igiñ heñ hañ!” yamiñ.

8

Yesu belen al 4,000 biñge yunyiñ (Matiyu 15:32-39)

¹ Be, Yesu go Dekapolis naña bana goñ hin-hin goya goyenbe al budam tebañ gabu iramiñ. Goyenbe biñge go kura netek miñmoñ hekeb Yesu belen komatmiñ yago hoy yirde gaha yinyiñ:

² “Nebe al buda ga bunineñ yeneñ hime. Neya hike kuñ kuñ yereñkek hihi. Irde biñgem moñ geb, go kura netek miñmoñ hañ.

³ Al kurabe naña gisaw mat wayañ. Niñgeb biñge nenmiñ moñ tiyuñtiñde kunañ yineñ gob kurabe kuñ belenyañ kamnayıñ,” yinyiñ.

⁴ Gwaha yinkeb komatmiñ belen, “Tiyuñ binde miñmoñ bana gabe dare arañ kuñ biñge yawañ yuntek?” inamiñ.

⁵ Irkeb Yesu belen, “Biñgebe dahade hañ?” yineñ gusuñañ yiryiñ. Irkeb, “Beretbe 7 hañ,” inamiñ.

⁶ Gwaha inen yawañ unkeb Yesu belen al gabu iramiñ goyen, “Megen kepernañ,” yinyiñ. Irdeb beret 7 go yade Al Kurun igiñ nurd unen yubala ten al gale yirnañ yen komatmiñ yago yunyiñ. Yunkeb komatmiñ yago belen al gale heñ yunke namiñ.

⁷ Makaan dapña mukneñ kura goyen wor yade Al Kurun igiñ nurd unen komatmiñ yago yunkeb go wor al gale yirde tukamiñ.

⁸ Irkeb al buda kurunj goyen binje go nene ep wor po naminj. Irkeb Yesuyen komatminj yago belen binje diknenj goyen gabu yiraminj gobe tiri 7 gwahade makinj hetek haminj.

⁹ Gor binje naminj mar goyen al parguwak po kapyanj haminjbe 4,000. Be, Yesu belen al buda goyen yinke bur yaminj.

¹⁰ Irkeb Yesuya komatminj yagoya hakwa hende hurkunje Galili fe ala kurunj sinja kurhan Dalmanuta nanjare kwaminj.

¹¹ Be, gonj kukeb Farisi mar kura belen wan Yesu tunanj urninj yenjebe, “Al Kurunjen tarende mata tinenj turnunj yanj kura dikala dira,” inen gusunanj iraminj.

¹² Irkeb Yesu go binje kanduknenj wor po nurdeb, “Daninj geb gayenter ninj marbe Al Kurunjen mata tinenj ninj po gusunanj nirde hanj? Fudinde wor po dinhem. Epte ma mata tinenj kura dikala direnj,” yinyinj.

¹³ Gwaha yinenjbe yubul tenj hakwa hende mulganj henj hurkunj fe ala kurunj goyen sinja kurhan wor komatminjnya kwaminj.

Yesu belen Farisi marte mata ninj maya mere mat yirinj

(Matiyu 16:5-12)

¹⁴ Goyabe komatminjbe binje yad yad ninj binj sir yeke beret unjkurenj po tenj kwaminj gobe hakware hinhin.

¹⁵ Be, hakwa hende kunj henjyabe Yesu belen Farisi marya Herotyat saba bulunj gore alya bereya budam gote dufayminj bulunj irde hiyen goke saba yirde hayhay yirdeb, “Farisi marya

Herotyat mata niŋ kenkela heŋ ga hinayin. Gobe yis* yara geb,” yinyin.

¹⁶ Gwaha yinkeb komatminj belej, “Binje kura ma yade wayhet goke tenbe gago dina,” yen yingen ulin sege iraminj.

¹⁷ Irkeb Yesu belej yenenj bebak tenbe gusunanj yiryin. “Danin geb binjenininj minmonj yen han? Da belej bitin pet ten hike dufaytinj munj kura ma wuk yen hi?

¹⁸ Diwiltinja kirmininja minyanj gega, danin mata ten hime gayen nenenj nurde bebak ma ten han?

¹⁹ Beret siptesononj yade yubala ten dunmeke 5,000 al yunanj gote diknenbe tiri dahade makinj yirtek goyen gabu yiranj?” yinyin. Gwaha yinkeb, “Tiri 12,” inaminj.

²⁰ Irkeb sopte po, “Munanj beret 7 yade yubala ten dunmeke 4,000 al yunhanj gote diknenj gabu yirhanj gobe tiri dahade makinj hetek hahanj?” yinkeb, “Tiri 7,” inaminj.

²¹ Gwaha inkeb, “Go yenenbe dufaytinj munj kura ma wuk yen hi?” yinyin.

Yesu belej Betsaida niŋ al dilin titminj kura sope iryin

²² Be, Yesuya komatminja gob kunj Betsaida taunde forok yaminj. Irkeb al kura belej al dilin titminj kura goyen tawanbe, “Al ga sope ird ird niŋ sisanj ura,” inenj esenj mere iraminj.

* **8:15:** Yisbe dirnenj munj kura palawa bana kerkeb hilyanj kuyenj go gwahade yara Herotyta Farisi maryat mata bulunbe gwahade goke Yesu belej hayhay yiryin.

23 Irkeb Yesu belen al dilin titmin goyen haniḡde tanarde tiyuḡ siḡare tukuriḡ. Tukunbe diwiliḡde meyaḡ teḡ haniḡ belen busaḡ heḡbe, “Det kura yenha?” inenḡ gusaḡaḡ iryiḡ.

24 Gusuḡaḡ irke naḡkeneḡ tukunbe, “Albe he yara yenen himeke kuḡ waḡ teḡ haḡ,” inyiḡ.

25 Irkeb sopte po Yesu belen al go dilin hende haniḡ kiryiḡ. Irde haniḡ tubul tikeb dilin hol irde naḡkinyiḡ. Irdeb dilin wuk yeke keḡkela wor po dawet yinyiḡ.

26 Irkeb Yesu belen, “Betsaida taunde gar ma mulḡaḡ heḡ kwayiḡ,” inkeb yamiḡde kuriḡ.

*Pita belen Yesube al gwahade yeḡ tagalyiḡ
(Matiyu 16:13-20; Luk 9:18-21)*

27 Be, Yesu go komatminḡ yagoya Betsaida taun goyen tubul teḡ Sisaria Filipai taun gote siḡakyaḡ tiyuḡ mukḡeḡ mukḡeḡ goyen fole yirde kuḡ henyabe, “Ne gakeb al belen ganuḡ yeḡ haḡ?” yinenḡ komatminḡ gusaḡaḡ yiryiḡ.

28 Irkeb komatminḡ belen wol heḡbe, “Al kura belen gebe Yon Baptais, kurabe Elaia, munanḡ kurabe Al Kurunyen mere basaḡ al kura yeḡ haḡ,” inamiḡ.

29 Irkeb Yesu belen, “Munanḡ denbe daha yeḡ haḡ?” yinkeb Pita belen wol heḡbe, “Gebe Me-saia,” inyiḡ.

30 Gwaha inkeb Yesu belen, “Al kura momonḡ ma yirnayiḡ,” yinenḡ hayhay yiryiḡ.

*Yesu belen kamde kamdeminḡ ge bebak yiryiḡ
(Matiyu 16:21-28; Luk 9:22-27)*

³¹ Be, Yesu go saba yirde henyaob gaha yinyinj: “Ne Al Urminj gabe ulne misinj kurunj katenj. Irkeb Yuda marte doyanj mar parguwakya Al Kurunj dolonj ird ird mata doyanj marte karkuwanminya Moseyen saba marya kurunj goreb ne ninj binj ar yekeb sabane nurtek ma yirkeb mununke kamenj. Goyenbe yerenkek hekeb sopte huwarenj,” yinyinj.

³² Yenbe mere kenkelak po bebak yiryinj. Irkeb Pita belenj, “Geya munj kura mere tiyye,” inenj Yesu yenj munj po tenj tapat irde inenj tenbe, “Mere taha gobe iginj ma nurhem,” inyinj.

³³ Irkeb Yesu belenj pinenj nurd unenj harhok unenbe komatminj hoyanj goyen yenenj henya Pita goyen inenj tenbe, “Satan, wanj harhokne belenj kwa! Begerbe alyen dufay belenj po makinj hitinj hi. Al Kurunyen dufay ninj ma nurde ha,” inyinj.

³⁴ Gwaha inenbe al buda kurunj gor hinhan goyen hoy yiryinj. Irkeb wanj komatminya gabu irde keperaminj. Irkeb Yesu belenj tumnanje gaha yinyinj: “Al kura ne gama nire yenj nurdeb yingenj ge ma nurde ne ninj tenj iginj kanduk tenj kamenj yenj nurde gab gama niryenj.

³⁵ Ningeb al kura yingenj ge po nurde hiyenbe Al Kurunj belenj pinenj nurde unkeb Al Kurunyen dirinj ma hiyyenj. Gega al kura neya mereneya ninj nurde goyen goke kanduk tiyyenj gobe Al Kurunj belenj iginj nurde unyenj.

³⁶ Al kura merene ma gama irde megen ninj samunj yade pipkatoka irde, ‘Ne ep hihim,’ yenj nuryenj gega, kame kamde kak alare kuyenj gobe iginj ma dahade? Gobe iginj monj.

³⁷ Al kura kak alare kuyenbe dahadem detmin gore kak alare mat tumulgañ tiyyeñ? Go wor epte moñ.

³⁸ Al Kurun harhok uneñ mata bulun po teñ hañ nalure gayen al kura ne niñ memya heñ merene ma tagalde hiyeñ gobe kame ne Al Urmin gañe wor Nanner tareñ turun yañ teñ miyonmin wukkeñ wor po goya katenya goyenbe al gote matamin goyen wol heñbe yeñ ge memya hewen,” yinyin.

9

¹ Be, Yesu go gwaha yinenbe, “Fudinde wor po dinhem. Deñ gar huwarde hañ gayen kuratin kurabe go ma kamdeya Al Kurun beleñ alya bereyamin doyañ yird yird goyen sanin minyan forok yeke kennayin,” yinyin.

Yesu ulin hoyan hirin
(*Matiyu 17:1-13; Luk 9:28-36*)

² Be, gor mat nana fay 6 hubu hekeb Yesu beleñ komatmin karwo Pita, Yonyabe Yemsya po yade dugu kurunde kura gor hurkuriñ. Gorbe yeñ po hinhan. Irkeb Yesu go mel gote diwiliñ mar po ulin hoyan heke kenamin.

³ Irkeb Yesuyen ulinhor yerde hinhin gobe tukfor yeñ faykek wor po heñbe soron minyan hirin. Megen niñ al beleñ det kura halke epte ma wor po gwahade hiyyeñ.

⁴ Gwaha teñ hikeb goyare po Moseya Elaiaya forok yeñ Yesuya mere teñ hike komatmin beleñ yenamin.

5 Irkeb Pita belen, “Tisa, garbe igin wor po ningeb, ya yok karwo yirtek. Kurabe ge nin, kurabe Mose nin, irde kurabe Elaia nin,” inyin.

6 Go inyin gobe Pitaya kadam waranya goyen kafura wor po henbe gwaha kura yihim yen ma nurdeya gogo mali ga mere tiyyin.

7 Irkeb goyare po gagap kura forok yen alu yuryin. Gagap bana gonbe al melak kura nuramin. Mereminbe gahade: “Gabe Urne. Yenbe bubulkunne wor po. Ningeb yende mere po nurde gama irde hinayin,” yirin.

8 Be, mere go nurdeb goya goyen po nankenamin gega al kura ma kenamin. Yesu po hike kenamin.

9 Be, Yesuya komatminya gobe gasun hinhan goyen tubul ten mulgan hen katamin. Katen henyabe Yesu belen, “Mata kenhan gake al hoyan kura momon ma yirnayin. Ne Al Urmin gare metere mat huwaren goyare gab momon yirnayin,” yinen hayhay taren po yiryin.

10 Irkeb meremin go nurdeb komatminbe yingen ulin, “Al kamtinbe dahadem metere mat huwaryen?” yen kadam gusunan gird tiyamin.

11 Irdeb, “Munan dani geb Moseyen saba mar belen al kura Elaia belen meten ten hinhin gwahade meten titek al go wa mehen hen wake gab Mesaia wayyen yen hanyen?” inen Yesu gusunan iramin.

12-13 Irkeb Yesu belen wol henbe gaha yinyin: “Al kura Elaia yara meten titek al go wa mehen hen wan det sope iryen yen hanyen gobe fudinde. Goyenbe al gobe yen wa bikken wayun. Irkeb Al

Kurunyen asanđe mere kayamiñ gwahade goyen po al beleñ gwaha irtek yeñ nurde hinhan gwahade po bulun bulun iran. Niñgeb ne Al Urmiñ gayen wor Al Kurunyen asanđe mere kayamiñ gwahade po kanduk kurun ten ulne misiñ katen kameñ,” yinyiñ.

*Yesu beleñ diriñ unğura miñyan sope iryiñ
(Matiyu 17:14-21; Luk 9:37-43a)*

¹⁴ Be, mel goyen mulğan heñ katenbe al buda kurun gabu irtiñ bana goñ Yesuyen komatmiñ hoyañ goya Moseyen saba marya kadom mohonde ten hike yenamiñ.

¹⁵ Gor gabu iramiñ mar gobe Yesu wayeñ tiya yeñ ma nurde hikeya wake keneñbe hurkunkat wor po tenbe pere irniñ yeñ kup yeñ kwamiñ.

¹⁶ Irkeb, “Daniñ kadom mohonde ten hañ?” yineñ gusunañ yiryiñ.

¹⁷ Irkeb gabu kurun bana gor al kura beleñ wol heñbe, “Tisa, urne unğura beleñ ketal urke mere ma ten hiyen goyen ge hitte ten wayhem.

¹⁸ Kurarebe unğura gore ten megen temeyke dadilok mohonde ala heñ misiñ niñjedek irde uliñ horam heñ hiyen. Komatge yago gayen, ‘Unğura go takira tinañ,’ yinhem gega yeñbe epte moñ,” inyiñ.

¹⁹ Irkeb Yesu beleñ meremiñ goyen wol heñbe, “Denbe dahade? Dufaytiñ tareñ moñ. Gayak ga denya hityen? Diriñ go tawanañ,” yinyiñ.

²⁰ Be, diriñ go Yesu hitte tawayamiñ. Tawakeb unğura gore Yesu keneñ goyare po diriñ go hambor irde ten megen kañ kañ irkeb dadilok hol yiriñ.

21 Irkeb Yesu beleş dirin naniş goyen, “Garbam ga daha naña tirin?” inen gusunan iryin. Irkeb wol henbe, “Dirin hanıapok hinhinya po.

22 Unğura beleş maymeke kami yen fe alaya kak alaya bana ten temeyde hiyen. Nişgebe epte kenem buninen dirde faran dura,” inyin.

23 Gwaha inkebe Yesu beleş wol henbe, “Taren minmon yen nenen gusunan nirde ha? Al kura ne nin dufaymin sanin irde hiyenbe det kura epte ma metenen iryen,” inyin.

24 Irkeb naniş beleş goyare po wol henbe, “Dufayne ge nin taren irhem geb, faran nurke dufay budam budam ma hewen,” inyin.

25 Be, Yesu go al buda goyen wanı gabu irke yenenbe unğura goyen inen tenbe, “Kirmin titminya mohon kattinyat unğura, ne gare ginhem, dirin ga tubul ten kat kwa! Irde ma wor po mulgan hawayin!” inyin.

26 Irkeb unğura go kekew ten dirin goyen hambor bulun po irde tubul ten kat kurin. Dirin go kenaminbe ugalam mon, kamın yara heke kenenbe al kura beleş, “Ey, kama!” yamin.

27 Gega Yesu beleş haninde tanardeb isan heke huwaryin.

28 Be, go kamere Yesube komatminya ya binde hurkamin. Hurkunbe komatmin yago beleş, “Dahade nişgebe nenbe unğura go takira titekeb mereninin ma nura?” inen gusunan iramin.

29 Irkeb Yesu beleş wol henbe, “Unğura gahade gab Al Kurun gusunan irke taren dirke gab igin takira tinayin,” yinyin.

³⁰ Be, Yesube al yenen yilwa yirde balmin kun hinin yen nurdeb tiyun go tubul ten balmin Galili nana goyen fole iramin.

³¹ Gobe komatmin buda goyen saba yirde hinhin geb gogo tiyyin. Yenbe komatmin saba yirde henyabe, “Ne Al Urmin gabe al kura belen tagalde nunke megen nin al belen nad bulun bulun nirde mununke kamen. Gega yerenkek hekeb sopte huwaren,” yinyin.

³² Goyenpoga komatmin yagobe mere gote min bebak ma tiyamin. Irdeb min goyen tagalke bulun nurtek yenbe gusunan ird ird nin kama hamin.

*Ganun albe denem kurun wor po?
(Matiyu 18:1-5; Luk 9:46-50)*

³³ Be, Yesuya komatminya Kapeneam taunde forok yamin. Irdeb ya bana hurkunbe, “Belenbe dani kadom mohonde taha?” yinen komatmin yago gusunan yiryin.

³⁴ Goyenpoga mel gobe wan henya, “Ganunbe folek geb, doyan al hiyyen?” yen kadomde tiyamin geb, goke memya hen mere ma tiyamin.

³⁵ Irkeb Yesu go keperdeb komatmin 12 tumnan hoy yirdeb, “Be, al kura, ‘Al Kurun dilinde deneyan hewe,’ yiyenbe yingen ge ma nurdeb al hoyan kurun gote meten almin hiyyen,” yinen saba yiryin.

³⁶ Irdeb Yesu belen dirin dirnen kura komatmin yago hinhande gor hinhin goyen ten besa irdeb,

³⁷ “Ne nin ten al bulunen kura dirin gahade gayen gargar iryen gobe ne niryen. Munan al kura ne igin igin niryen gobe ne po ma niryen.

Nad nerke wamirin al goyen manan igin igin iryen,” yinyin.

³⁸ Irkeb Yon beley nurdeb, “Tisa, al kura nende al mon gega, denger unğura yakira ten hike kenejbe utan irtin,” inyin.

³⁹ Irkeb Yesu beley wol henbe, “Utan ma irnayin. Al kura ne denner Al Kurunyen saninde mata tinen turun yan forok iryen gobe daha mat tigiri ten bulun niryen? Epte mon.

⁴⁰ Al kura asogo ma diryen al gobe nende al.

⁴¹ Fudinde wor po dinen hime. Al kura den denenbe Mesaiyen albe gago yen bebak tenbe ne nin ten fe kura dunyen gobe murun gem tiyyen wor po,” yinyin.

⁴² Be, Yesu beley sopte gaha yinyin: “Goyen-poga dirin gahade gayen ne nin dufay hekeya al kura beley mata bulun tiyi yen bin tiyyen al gwahade gobe hora kurun kura ten bininde fen ten makan alare temeytek yara.

⁴³⁻⁴⁴ Ningeb hange kura mata bulunde gukukeb walayin. Hange unku ren po ten Al Kurun hitte hurkayin wor igin. Mon go hange irawakde hiriryen gore kak kamde ma hiyen bana gon gukuriryen.*

⁴⁵⁻⁴⁶ Kahan ge kura beley mata bulunde gukukeb walayin. Kahan ge titmin hen Al Kurun hitte hurkayin wor igin. Mon go irawakde hiriryen gobe gore kak alare gukuriryen. Ningeb

* **9:43-44:** Asan kurarebe: ... gukuriryen. ⁴⁴ *Gorbe kundu hugin en benbon ten hinayin. Irdeb kak gobe go ma kamde hiyen.*

hangeya kahaŋgeya kurhan kura waltinjenbe mata buluŋ hugiŋeŋ yubul tiyayiŋ gogo.†

⁴⁷ Delge kura beley mata buluŋde gukukeb marayiŋ. Delge unkuŋeŋ po heŋya Al Kuruŋ hitte hurkayiŋ wor igiŋ. Moŋgo delge tumiŋ hiriryen gobe gore kak ala bana gukuriryen.

⁴⁸ Gorbe kundu hugiŋeŋ benbon teŋ hanyen. Irdeb kak gobe go ma kamde hiyen.

⁴⁹ Dapŋa faw urke bida ma heŋ ulyaŋde po hanyen go gwahade goyen, kak alare haŋ mar kuruŋ gobe kak beley hugiŋeŋ kunga yirtiŋde gwahade po hinayiŋ.

⁵⁰ Be, fawbe det igiŋ gega, hapek hubu hekeb daha mat hapek go sopte gasuŋeŋ irnayiŋ? Niŋgeb dindiken goyen faw hapek miŋyaŋ gwahade yara heŋ gab hinayiŋ. Irdeb bitiŋ kamke awalikde po hinayiŋ,” yinyiŋ.

10

Ire unya heŋ heŋ mata (Matiyu 19:1-12; Luk 16:18)

¹ Be, Yesuya komatmiŋ yagoya taun go tubul teŋ Galili naŋare mat Yudia naŋare kwamiŋ. Irdeb gor mat kuŋ Yodan fe siŋa kurhan Perea naŋare kwamiŋ. Kukeb al budam sopte yeŋ hitte waŋ gabu iramiŋ. Irkeb yende matabe gwahade go niŋgeb saba yiryiŋ.

² Gwaha teŋ hikeyabe Farisi mar kura waŋ tuŋaŋ urniŋ yeŋbe, “Al beley berem takira tiyyen

† **9:45-46:** Asaŋ kurarebe: ... gukuriryen. ⁴⁶ Gorbe kundu hugiŋeŋ benbon teŋ hinayiŋ. Irdeb kak gobe go ma kamde hiyen.

gobe Moseyen sabareb mata huwak yitiŋ?” inen gusunŋan iramiŋ.

³ Irkeb Yesu belen wol henbe, “Goyen mata gokeb Mose belen asanbe daha ten hinayiŋ yen kayyiŋ?” yinyiŋ.

⁴ Irkeb mel gore wol henbe, “Moseyen sabarebe, ‘Al kura berem takira tiye yenbe igiŋ asan kan unenbe takira tiyyen,’ katiŋ hi,” inamiŋ.

⁵ Irkeb Yesu belen, “Tonanŋtiŋ tareŋ wor po saba ma nurtek goke tenbe Mose belen asan gogo kan dunyiŋ.

⁶ Gega hanƙapya wor po Al Kurun belen megenya nanƙiŋya irde det kurun gayen yiryiŋyabe al irde bere irde iryiŋ.

⁷ Gwahade niŋgeb albe naniŋya miliŋya yubul ten kun beremya gabu hiriryen.

⁸ Irdeb irawa goyen unƙuren po hiriryen. Niŋgeb irawa goyen hoyan hoyan ma hiriryen. Unƙuren po hiyyen.

⁹ Gwahade geb Al Kurun belen bereya alya gabu hen hen mata goyen irtiŋ go den al belen epte ma walde bur yirnayiŋ,” yinyiŋ.

¹⁰ Be, sopte hurkun ya binde henyabe komatiniŋ yago belen mere goke gusunŋan iramiŋ.

¹¹ Irkeb Yesu belen wol henbe, “Al kura berem takira ten bere hoyan tiyyen gobe Al Kurun belen al gobe berem bikkek tubul ten leplep mata tiya yen kinyen.

¹² Bere kura un mekerde al hoyan tiyyen gobe Al Kurun belen bere gobe un bikkek tubul ten leplep mata tiya yen kinyen,” yinyiŋ.

*Yesuya dirin muknenya
(Matiyu 19:13-15; Luk 18:15-17)*

¹³ Be, al kura mar belen dirinmin muknen goyen Yesu belen hanin tonande yerde taren hen hen ge guram yiri yen yawan hikeyabe komatmin yago belen al goyen yinen tiyamin.

¹⁴ Gwaha yirke yenenbe Yesu go bin ar yekeb komatmin wen goyen gaha yinyin: “Dirin muknen go yubul tike ne hitte wanan. Utan yirde ma. Al kura Al kurunyen dirin wor po hinin yenbe dirin muknen yara henayin.

¹⁵ Gabe fudinde wor po dinen hime. Dirinbe taynen yufuk bana han gwahade goyen al kura Al Kurunyen yufuk bana hime yen ma nuryenbe epte ma Al Kurunyen dirin hiyyen,” yinyin.

¹⁶ Gwaha yinenbe dirin muknen go yade besa yirde hanin tonanyan yerde guram yirde sanin yiryin.

*Samunmin budam minyan al
(Matiyu 19:16-30; Luk 18:18-30)*

¹⁷ Be, Yesube gor mat hako ga kwen ten hikeyabe al kura kup yen wanbe kahan minde katen dokolhon yugulun tenbe, “Tisa, gebe al igin. Goyenbe neb daha ten gab igin Al Kurunyen dirin wor po hewen?” inen gusunan iryin.

¹⁸ Irkeb Yesu belen wol henbe, “Gebe ne nenenbe megen nin saba al igin kura yen nurd nunen ha? Mon, nebe megen gar nin mon. Megen nin al kura igin minmon, Al Kurun mun po gab igin.

¹⁹ Gebe Moseyen sababe nurde ha. Al ma gasa yirke kamnayin, bere hoyan kura duwan

ma yirde hayiņ, kawe ma teņ hayiņ, al usi ma yirde hayiņ, al usi yirde detmiņ ma yade hayiņ, momkeya nanakeya palap yirde hayiņ,” inyiņ.

²⁰ Irkeb al goreb, “Tisa, ne diriņ henya po saba goyen nurde gama irde waņ waņ gago hime,” inyiņ.

²¹ Irkeb Yesu belen al go kenenbe biņde bubulkunne wor po yeņ nurde unenbe, “Gebe dawet unkuren po soņ heņ ha geb, kuņ samunģe tumņaņ yukun al buninģe det miņmoņ mar goyen yunģe tukayiņ. Irkeb Al Kurun belen nere hihi yeņ ginyeņ. Irke gab waņ gama nirayiņ,” inyiņ.

²² Gega al gob samunģmiņ budam wor po geb, mere goke kandukneņ nurdeb biņ bida heke kuriņ.

²³ Gwaha tike kenenbe Yesu go komatmiņ yago goyen, “Al samunģmiņ budam miņyaņ marbe Al Kurun dirneņ weņ heņ heņbe meteneņ wor po,” yinyiņ.

²⁴ Be, mel gob al samunģmiņ budam gobe Al Kurun belen guram irkeb gogo yeņ nurde hanjen geb, mere go nurdeb dinon kok yamiņ. Irkeb Yesu belen gaha yinyiņ: “Mel, Al Kurun dirneņ weņ heņ heņbe meteneņ wor po.

²⁵ Dapņa kurun kamel belen amil haraņ heņ heņ kutum yameņ dirneņ muņ wor po goyen bana epte ma hurkuyeņ. Gwahade goyen po al samunģmiņ budam wor Al Kurun belen alya bereyamiņ doyaņ yirde hi bana goņ epte ma hurkunayiņ. Niņģeb dawet irawa gobe tumņaņde meteneņ gega, damiņbe meteneņ wor po? Gobe samunģmiņ budam miņyaņ al gore Al Kurun belen

alya bereyamiñ doyañ yirde hi bana goñ hurkun hurkun gobe metenjeñ wor po,” yinyiñ.

²⁶ Gwaha yinkeb komatmiñ gob hurkun kat tenbe, “Niñgeb ganuñ po ga epte Al Kurun dirneñ weñ henayiñ?” yeñ yiñgeñ uliñ kadom gusuñan gird tiyamiñ.

²⁷ Irkeb Yesu beleş yeneñbe, “Gobe alyen tarende epte moñ. Gega Al Kurunyen tarendebe epte. Al Kurunbe al beleş metenjeñ nurde hañ goyen igiñ ala yiryen,” yinyiñ.

²⁸ Be, gwaha yinkeb Pita beleş, “Neñbe gama girniñ yeñ detniniñ tumñan yubul titiriñ,” inyiñ.

²⁹⁻³⁰ Irkeb Yesu beleş gaha yinyiñ: “Fudinde wor po dinen hime. Al kura neya ne niñ yitiñ mere igiñya goke teñ yamiñ, kulinye itinye, haymiñya babamye, miliñya naniñya, dirneñ weñ, irde metenmiñ yubul tiyyen al gobe megen hiyenya gayen wolmiñenbe det yubul tiyyen goyen folek kurun wor po yawaryen. Gega go hendebe kanduk manañ teñ hiyen. Irdeb kame Al Kurunya awalik heñ yeñya hugiñen hiriryen.

³¹ Goyenpoga al budambe al hoyañ folek deniniñ yañ yeñ nurde hañ mar gobe Al Kurun beleş denem moñ yiryen. Munañ al kura al maliñen yeñ nurde hañ marbe Al Kurun beleş denem yañ wor po yiryen. Gobe al budam mehen henayiñ marbe kame wor po henayiñ, munañ al kamere hañ marbe mehen henayiñ go gwahade goyen,” yinyiñ.

*Yesu kamde kamde miñ ge sopte momoñ yiryiñ
(Matiyu 20:17-19; Luk 18:31-34)*

³² Be, Yodan fe tubul ten Yerusalem hurkuñ henyabe Yesu go mehenđe kuñ hinhin. Irkeb komatmiñbe Yesu go Yerusalem hurkuñ hurkuñ niñ kafura ma heñ kuñ hike kenenbe diliñ fot yamiñ. Irkeb al hoyañ kame gama irde hinhan mar go manañ kafura hamiñ. Irkeb Yesu gore sopte komatmiñ muñ po yapat yirdeb mata gwa-hade forok yeñ nunyen yeñbe goyen goke gaha yinyiñ:

³³ “Neñ Yerusalem hurkuñ hite gayenbe ne Al Urmiñ gayen gor niñ mar belen Al Kurun dolon ird ird mata doyañ marte karkuwanmiñya Moseyen saba maryat haniñde nernayiñ. Irkeb mel goreb kamyen po yeñbe nad Yuda mar moñ al miñ hoyañ haniñde nernayiñ.

³⁴ Irkeb mel gore sukal nirde meyañ nirde nusulak ten tenbe mununke kamen. Goyenbe yerenkek hekeb huwareñ,” yinyiñ.

Yemsya Yonyat gusunañ
(Matiyu 20:20-28)

³⁵ Be, Sebedi urmiñ warañ Yemsya Yonya belen Yesu hitte wanbe, “Tisa, dawet kuran gusunañ giryekeb igiñ irde dunayiñ?” inaryum.

³⁶ Irkeb Yesu belen, “Da ird duni yeñ ninen har?” yeñ gusunañ yiryiñ.

³⁷ Gwaha yinkeb wol henbe, “Gebe denge turñuñ yañ hiyyenya goyenbe deyya wa denđeren yañ dirayiñ. Irkeb geya sosora henbe al doyañ yirde hitek,” inaryum.

³⁸ Irkeb Yesu belen, “Meretiriñ gobe miñ ma nurde henya gusunañ nirde har. Niñgeb ne belen

Al Kurunyen dufay gama irde kanduk tewen gwahade goyen der manan igin tiriryen?” yinyin.

³⁹ Irkeb wol henbe, “Deyya epte,” inaryum. Irkeb Yesu belen gaha yinyin: “Ne belen Al Kurunyen dufay gama irde kanduk kurun tewen gwahade gobe der wor igin tiriryen.

⁴⁰ Gega denṭirin yan hen ketalner derd derd sanin pota irde dunen dunen gobe nere meten mon. Taren gobe Al Kurun belen al basina yirtin mar goyen yunyen,” yinyin.

⁴¹ Be, komatmin kadom 10 gore mere go nurdeb Yemsa Yonya nin bin ar yamin.

⁴² Irkeb Yesu belen tumnan hoy yirdeb gaha yinyin: “Megen nin doyan mar karkuwanbe al doyan yirhet usi ten yingen ge po nurde kanduk yunen hanjen. Irde yende meten marmin manan deninin yan hihit yen nurdeya al kanduk yunen hanjen.

⁴³ Gega denbe gwahade mon. Al kura den han bana gayen fole dirde ne po denne yan hewe yen nuryen al gobe yingen ge ma nurde dende meten al po hiyyen.

⁴⁴ Ningeb al kura doyan al hewe yenbe yingen ge ma nuryen. Irde almin ge po dufay hen yende meten al po hiyyen.

⁴⁵ Gwahade ningeb ne Al Urmin gayen wor al belen igin igin nirnan yen ma katmin. Ne belen po ga al igin igin yire yen katmin. Irdeb darine wok irde kamen goreb alya bereya kurun gate mata bulunmin halde yunyen yen katmin,” yinyin.

*Batimeus diwiliŋ titmiŋ goyen naŋkinyiŋ
(Matiyu 20:29-34; Luk 18:35-43)*

⁴⁶ Be, Yesu go gwaha teŋbe komatmiŋya Yeriko taunde kwamiŋ. Kuŋ taun go tubul teŋ kuŋ hikeyabe al kura diliŋ titmiŋ goyen beleiŋ siŋare keperde al dawet kaŋaŋ yirde hinhin. Al gobe Batimeus, Timeus urmiŋ.

⁴⁷ Be, al gobe, “Nasaret niŋ al Yesu waŋ hi,” yeke nurdeb hokde po, “Yesu, Dewit urmiŋ, ne ga neneŋ faraŋ nura be!” yiriŋ.

⁴⁸ Irkeb al budam beleiŋ ineŋ teŋ, “Bada hawa!” inamiŋ. Gega goyabe ug po hoy yiriŋ. “Dewit urmiŋ, ne ga neneŋ faraŋ nura be!” yiriŋ.

⁴⁹ Irkeb Yesu kuŋ hinhin goyen meremiŋ go nurdeb tek yeŋ huwariŋ. Huwardeb, “Al go inke wayi,” yinyiŋ. Irkeb al diliŋ titmiŋ goyen, “Ge niŋ yeŋ hi geb, amaŋ heŋ huwara!” inamiŋ.

⁵⁰ Irkeb amaŋ heŋbe meŋe diba uliŋhormiŋ hende niŋ goyen tuguya teŋ temeyde kururu uney Yesu hitte kuriŋ.

⁵¹ Kukeb Yesu beleiŋ, “Daha niri yeŋ hoy nirde ha?” inyiŋ. Irkeb al diwiliŋ titmiŋ goreb, “Tisa, naŋkenmewoŋ wor po yeŋ nurde hime,” inyiŋ.

⁵² Gwaha inkeb Yesu beleiŋ, “Dufayge ne niŋ tareŋ irha goke sope girhem geb kwa!” inkeb goyare goyen po diliŋ naŋkeneŋbe Yesu kuŋ hinhin beleiŋ go po gama iryiŋ.

11

Yesu Al Kurunyen ya balem bana hurkuriŋ

¹ Be, Yesuya komatmiŋ yagoya gobe Yerusalem binde binde hamiŋ. Irdeb Betfage taundeya

Betani taundeya gor kwamiņ. Taun irawa gobe Olip dugu dabayiņde gor haryen. Be, Yesu belen taun kura hinhinde gor matbe komatmiņ irawa kura hulyaņ yirdeb gaha yinyiņ:

² “Taun iroyenter iro kuri. Kuņbe doņki foņeņ kura al go hende ma kuņ hitiņ goyen feņde hike kiniryen. Keneņbe hol irde teņ wayiryen.

³ Al kura belen, ‘Gob daha teņ har?’ dinkeb, ‘Doyaņ Al Kuruņ belen gake yihi. Niņgeb heņ ga moņ tumulgaņ tiyyen,’ iniryen,” yinyiņ.

⁴ Niņgeb kuņbe Yesu belen yinyiņ gwahade po doņki goyen ya siņakde feņ titiņ kenaryum.

⁵ Irde kuņ hol irde hikeb al gor hinhan goreb, “Daha irye yeņ doņki go hol irde har?” yinamiņ.

⁶ Irkeb Yesu belen yinyiņ gwahade po wol hekeb yubul tike teņ kwaryum.

⁷ Be, doņki go Yesu hitte tawaņbe uliņhormiņ yugu teņ doņki go hende ugamkeb go hende hurkuņ keperde kuriņ.

⁸ Kuņ hikeb al budam Yesu go palap irniņ yeņ uliņhormiņ yugu teņ belenyāņ ugamamiņ. Irkeb al kurabe Yesu turuņ irniņ yeņ belen umņa ird ird niņ patila yuwalheņ walde yawayamiņ goyen belenyāņ sar irde tukamiņ.

⁹ Al kurab meheņ hekeb kurab kame heņbe tumņaņ ala deņem isāņ heņ gaha yamiņ:

“Hosanna!”

Doyaņ Al Kuruņyen deņemde waņ hi al gobe Al Kuruņ belen guram irde tareņ iryen!

¹⁰ Asininiņ Dewit belen alya bereyamiņ doyaņ yirde hinhin gwahade yara

* **11:9:** Hosanna gote miņbe ‘Al Kuruņ, ge po turuņ girde hitek!’

yeŋ beleŋ doyaŋ diryeŋ gobe Al Kurunŋ beleŋ guram irde saŋiŋ iryeŋ.

Hosanna! Al Kurunŋ, tareŋge kurunŋ wor po!” yamiŋ.

¹¹ Be, Yesu go Yerusalem forok yeŋbe Al Kurunŋyen ya balem bana hurkuriŋ. Irdeb dawet kurunŋ bana goyen yeneŋ tukuriŋ. Gega naŋa hubu hiriŋ geb, komatmiŋ 12ya Betani kwamiŋ.

Yesu Al Kurunŋyen ya balem bana hurkunŋ ya haraŋ hiriŋ

(Matiyu 21:18-19)

¹² Be, fay urkeb Betani tubul teŋ heŋyabe Yesu go biŋge iryiŋ.

¹³ Irkeb fik he yuwalŋeŋ digula urtiŋ goyen keneŋbe igineŋ miŋyaŋ daw yeŋ kuŋ kinyiŋ. Kuŋ miŋde mat naŋkinyiŋ gega, igineŋ miŋmoŋ, yuwalŋeŋ beleŋ po aw urtiŋ kinyiŋ. Fik ferd ferd nalu moŋ geb, igineŋ miŋmoŋ kinyiŋ.

¹⁴ Gwahade keneŋbe Yesu beleŋ he goyen, “Al kura igineŋge sopte ma niyyeŋ,” ineŋ karan uryiŋ. Irkeb mere tiyyiŋ goyen komatmiŋ yago beleŋ nuramiŋ.

¹⁵ Be, kuŋ Yerusalem forok yeŋbe Yesube Al Kurunŋyen ya balem koya beleŋ po milgu irtiŋ bana goŋ hurkunŋ al buda kurunŋ gor det damu teŋ hinhan goyen kwep kwep yirde yakira tiyyiŋ. Irde hora kapyaŋ heŋ heŋ marte† gasuŋ yad

† **11:15:** Hora kapyaŋ heŋ heŋ marbe Roma gabmanyen horaya Yuda marte horaya goyen al beleŋ yeŋ yunke Al Kurunŋyen ya balemde niŋ hora teŋ wolmiŋeŋ al go yunke gab Al Kurunŋ galak yirde hanŋyen.

yabolon ten nu damu ten hinhan marte keperd keperd gasun manan yad yabolon ten yuniñ.

¹⁶ Irdeb, “Damu ten tenje nin dawet ya balem dilinjan goyan gore sopte yukyawan ma yir-nayin,” yiniñ.

¹⁷ Irdeb saba yirde henyabe, “Al Kurunyen asandebe, ‘Nere yabe megen nin al buda kurun gayen gare wan gabu irde mere nird nird ya hiyyen,’ yitiñ goyen ma nurde hanjen? Gega denbe ya gayen ten kawe marte bana kun kun gasun irde han,” yiniñ.

¹⁸ Gwaha yinkeb al buda kurun gor gabu iramiñ mar gore meremiñ go nurde dinon kok yamiñ. Niñgeb goke Al Kurun dolon ird ird mata doyan marte karkuwanminya pris buda gote karkuwanminya Moseyen saba maryabe kafura henbe, “Daha mat kura mayteke kamyen?” yen beñ nin nankenen hinhan.

¹⁹ Be, wawun hekeb Yesuya komatminya gobe taun kurun go tubul ten mulgan henbe hinhande gor kwamiñ.

Fik he torok yirin
(Matiyu 21:20-22)

²⁰ Be, wampot Yerusalem mulgan hen kun henyabe fik he goyen filginiñde mat po torok yitiñ kenamiñ.

²¹ Kenenbe Pita gobe biñ bak yekeb, “Tisa, fik he karan uran gob torok yiyun iro kena,” inyiñ.

²² Gwaha inkeb Yesu beñ wol henbe, “Dufaytiñbe Al Kurun nin po taren irnayin.

²³ Fudinde wor po dinen hime. Al kura dugu gayen, ‘Kun makan alare kata!’ inen binde dufay

budam ma iryen. Irdeb dufayminde, ‘Mere tihim gabe forok yen nunyen,’ yen nuryen gobe gwahade po forok yen unyen.

²⁴ Gwahade ningeb gago dinhem. Det kuran Al Kurun gusunan irnayin gob dufaytindebe tihit wor po yen nurnayin. Irkeb dende hiyyen.

²⁵⁻²⁶ Ningeb Al Kurun mere irde henya kadtin belen bulun dirtin goyen bitin bak yekeb goyare po halde yunen hinayin. Irke gab Adotin sanjimin kurun wor po goreb dende wor halde dunyen,” yinyin.‡

*Yesu tarejminj ge gusunan iraminj
(Matiyu 21:23-27; Luk 20:1-8)*

²⁷ Be, Yesuya komatminya goyen sopte kun Yerusalem forok yamin. Irdeb Yesu go Al Kurunyen ya balem goyen koya milgu irtin bana hurkun kun wan ten hikeb pris buda gote karkuwanminya Moseyen saba marya Yuda marte doyan mar parguwakya belen yen hitte wayamin.

²⁸ Irdeb Yesu gusunan irdeb, “Mata ten ha gayenbe ganunyen denemde ten ha? Ganun belen gwaha ten hayin ginkeb gago ten ha?” inamin.

²⁹ Irkeb Yesu belen wol henbe, “Ne wor gusunan unjuren kura diren tihim goyen wol hena ko. Irke gab al goyen denemde mata ten hime yen momon diren.

‡ **11:25-26:** Asan hoyandebe gahade hi: ²⁶ *den belen kadtin bulun dirtin goyen ma halde yunen bitin bana po yerde hinayinbe Adotin tarejminj kurun wor po goreb mata buluntin goyen ma halde dunyen.*

³⁰ Yon Baptaıs belen al baptaıs yirde hin-hin goyenbe Al Kurunyen denemde ma alyen denemde? Momoŋ nirnan!” yinyin.

³¹ Irkeb mel go yinŋen ulin mere sege irdeb, “Al Kurunyen denemde intek gob, ‘Munan danin geb sabamin goyen usi yeŋ nurde gama ma irde hinhan?’ dinyen,” yamin.

³² Munan alyen denemde yetek gobe al buda kurun gob Yon Baptaısbe Al Kurunyen mere basan al fudinde wor po yeŋ nurde hinhan geb, goke kafura hamin.

³³ Niŋgeb mel goreb, “Neŋbe go ma nurde hite,” inamin. Irkeb Yesu belen, “Ne wor mata teŋ hime gayen al gote denemde teŋ hime ma dinen,” yinyin.

12

Yuda mar belen Yesu mayke kamyen gote maya mere

(Matiyu 21:33-46; Luk 20:9-19)

¹ Be, gwaha teŋbe Yesu belen Al Kurun dolon ird ird mata doyan marte karkuwanminya Moseyen saba marya Yuda marte doyan mar parguwakya goyen maya mere mat gaha yinyin: “Al kura wain meten harde koya kerde milgu iryin. Irdeb wain fimin gilyan heŋ heŋ nin mete talde det gitik iryin. Irdeb wain meten go doyan ird ird ya yok manan iryin. Irdeb meten gobe meten mar hoyan haninde kerdeb nanan gisaw kurin.

² Be, wain fin heke yad yad nalureb meten min al gore almin kura hulyan irke meten doyan irde

hinhan mar hitte wayyiñ. Wañbe, ‘Wain kura nunke yad kwe,’ yinyiñ.

³ Gega mel goreb al goyen mayde mayde takira tike duliñ kuriñ.

⁴ Gwaha irkeb meten almiñ hoyañ wor ten kerke wayyiñ. Irkeb al gobe tonañde mayde nanyañ irde buluñ buluñ irde takira tiyamiñ.

⁵ Be, sopte po al hoyañ hulyañ iryiñ. Gega al gobe mayke kamiñ. Irkeb meten miñ al belen sopte al yad yerke wañ hinhan po goyenbe kurabe gasa yirde yakira ten hinhan. Munañ kurabe gasa yirke kamde hinhan. Meten marmin tumñañ buluñ buluñ yirde hinhan.

⁶ Be, go po tike kuñ kuñ funañbe, ‘Urne gab palap irnayiñ,’ yeñbe urmiñ bubulkuñne wor po yeñ nurde unen hiyen al goyen ten kerke wayyiñ.

⁷ Gega wain meten doyañ irde hinhan mar gobe kadom momoñ gird tenbe, ‘Meten gate miñ alyen urmiñbe gago niñgeb, wake mayteke kami. Gogab meten gate miñ al miñmoñ hekeb neñ belen po tetek,’ yamiñ.

⁸ Irdeb meten miñ al gote urmiñ goyen mayke kamkeb tukun meten siñare gor temeyamiñ.

⁹ “Gwaha tikeb meten gote miñ al belen wañbe daha yiryen yeñ nurde hañ? Gobe wañ gasa yirke kamnayiñ. Irdeb meten go ten al hoyañ haniñde kiryen.

¹⁰ Mere ga dinhem gate miñ goke Al Kurunyen asañde katiñ goyen kapyañ ma hen hanjen? Mere gobe gahade:

‘Ya yird yird mar belen igiñ moñ yeñ nurde pel iramiñ hora goyen al hoyañ belen ten go

hende ya sañiñ wor po iryiñ.

¹¹ Go iryiñ gobe Doyañ Al Kurun belen iryiñ.

Dilniniñdebe keneñmiñ kusamuñ wor po, 'yitiñ hi," yinyiñ. *Tikiñ 118:22-23*

¹² Gwaha yinkeb mel goreb, "Siraw mere gabe neñ ga po dineñ hi," yeñ nuramiñ geb, goke igiñ ma nurdeb daha mat kura teñ fere tiniñ yeñ beleniñ nankenamiñ. Gega mel gobe al buda kurun goke kafura heñbe tubul teñ kwamiñ.

Yesu tunañ urniñ yeñ teks yad yad mata niñ gusuñañ iramiñ

(Matiyu 22:15-22; Luk 20:20-26)

¹³ Be, go kamereb Al Kurun doloñ ird ird mata doyañ marte karkuwanmiñya Moseyen saba marya Yuda marte doyañ mar parguwakya goreb Yesu goyen meremde kura soñ heke tenayiñ yeñbe Herotyen alyabe Farisi mar kuraya hulyan yirke Yesu hitte kwamiñ.

¹⁴ Kuñbe, "Tisa, gebe mere fudinde po teñ hayen. Irde al kura al denem yañ ma denem moñ goke ma nurde hayen geb, al niñ kafura ma heñ hayen. Irdeb fudinde mat po Al Kurunyen mere tagalde hayen. Niñgeb gusuñañ kura girtek. Moseyen saba gama irde hite mar gare Roma gabmanyen doyañ al kurun Sisar niñ teks kertek gobe igiñ ma dahade? Untek ma, goñmiñ?" inamiñ.

¹⁵ Gega Yesu go usi matamiñ goyen yeneñ bebak teñbe, "Daniñ lomlom nirde hañ? Hora kura tawayañ nunke kene," yinyiñ.

¹⁶ Gwaha yinkeb hora mulowom unjkuren tawayamiñ. Tawakeb, "Gabe ganuñde tonenya

denemya har?” yinen gusunon yiryin. Irkeb wol henbe, “Roma gabmanyen doyan al kurun Sisaryen,” inamin.

¹⁷ Irkeb Yesu beben, “Dawet kura Roma gabmanyen kenenbe Roma gabman po unen hinayin. Gwahade goyen po, Al Kurunyenbe Al Kurun po unen hinayin,” yinyin. Irkeb mere go nurdeb dinon kok yamin.

*Sadusi mar beben al kamtin huward huward nin Yesu gusunon iramin
(Matiyu 22:23-33; Luk 20:27-40)*

¹⁸ Be, go kamereb Sadusi mar beben Yesu hitte wayamin. Go mar gobe al kamtinbe epte ma huwarnayin yen hanjen. Be, mel goreb,

¹⁹ “Tisa, Mose beben asande gahade kayyin: ‘Al kura dirin minmon henya berem tubul ten kamkeb kulin kura hiyen goreb itinde beretap goyen tenbe itin ge dirin forok irde unyen,’ yitin hi.

²⁰ Be, kamay itinya mel 7 kura hinhan. Itin kurunbe berem yan gega, dirin minmon henya kamin.

²¹ Irkeb kulin beben beretap go tirin. Gega yen wor dirin minmon henya kamin. Yende kulin wor gwahade po kamin.

²² Be, gwahade po kun kun kulin funan ge wor beretap go tirin goyen dirin kura forok ma irdeya kamin. Funanbe bere goyen wor kamin.

²³ Be, ire itinya mel gote berembe unken gogo po hinhin geb, kame al kamtin huward huward nalurebe bere gobe ganunde berem hiyen?” inamin.

²⁴ Gwaha inkeb Yesu belen wol henbe, “Denbe Al Kurunyen tarenya merem asande katinja goyen kenej wuk ma yenj hanyen. Gwahade geb soj henj hanj goyen go ma kenej hanj?”

²⁵ Al kamtinj huwarnayinj nalurebe al belen bere yade bere belen al kunj kunj mata go minjon hiyyen. Yenbe Al Kurunyen gasunde hurkunbe yende miyonj yara henayinj.

²⁶ Al kamtinj huward huward matabe Moseyen asande kapyanj ma henj hanyen? Al Kurun belen he gergen melak henj hinhin bana gore mat Mose mere irde, ‘Nebe Abraham, Aisakya Yekopyat Al Kurun,’ inyinj gobe ma kapyanj henj hanyen? Mel gobe kamaminj gega, tonenbe yenja hanj geb, gogo gwahade yirinj.

²⁷ Ninjgeb Al Kurunbe al kamtinj Al Kurun monj, dilinj gergen hanj mar gote Al Kurun. Denj gab soj wor po henj hanj,” yinyinj.

Moseyen saba gote minj wor pobe da?

(Matiyu 22:34-40; 23:1-36; Luk 10:25-28)

²⁸ Be, goyenterbe Moseyen saba al kura gor henbe mel gore bulun mat Yesu gusunanj iraminj goyen Yesu belen wol henj yunenj hike palja irde hinhin. Irdeb Yesu belen mereminj kenkela po wol henj yunenj hike nurdeb yenj wor, “Saba budam kurun nurde hite gote minj wor pobe daminj?” inenj gusunanj iryinj.

²⁹ Irkeb Yesu belen wol henbe, “Saba minj wor pobe gahade. Denj Israel mar nurnanj ko. Doyanj Al Kurunjininbe Al Kurun yenj unjkurenj po hi.

³⁰ Ninjgeb bubulkunjinj mat, bitinj mat, irde dufaytinj mat wor po Al Kurun ninj amanenj

nurde unen hinayin. Tarenjin manan tumnan gabu irde yen ge amanen nurd unen hinayin.

³¹ Saba gote kurhanbe al kadtin goyen dindigen ge amanen nurde hanjen gwahade goyen po nurde yunen hinayin. Saba hoyan kura iraw gayen fole yirtin ma han,” inyin.

³² Gwaha inke al goreb, “Tisa, Al Kurunbe yen unken gog po, hoyan minmon yaha gobe fufinde wor po yaha.

³³ Bubulkunjinde mat, bitinde mat, irde du-faytinde mat wor po Al Kurun nin amanen nurde unen hinayin. Tarenjin manan tumnan gabu irde yen ge amanen nurd unen hinayin, irde dindiken ge amanen nurde hanjen gwahade goyen po kadtin ge bubulkunjinde mat amanen nurd yunen hinayin gobe Al Kurun dilinde galak mataya dapna kunga ten kasor ird ird mataya goyen fole wor po yirde hi,” inyin.

³⁴ Be, al gore Yesuyen mere goyen kenkela wol hekeb, “Gebe Al Kurunya awalik hetek binde wor po haha,” inyin. Gwaha inkeb gor hinhan mar belen gusunon ird ird nin kama hamin.

*Yesu belen Farisi marte sikken tagalyin
(Matiyu 22:41-46; Luk 20:41-47)*

³⁵ Be, Yesube Al Kurunen ya balem koya belen po milgu irtin bana gon al saba yirde hinhin. Saba yirde henyabe gaha yinyin: “Dahade ningeb Moseyen saba mar belenbe Mesaiabe Dewityen fonen yen hanjen?

³⁶ Dewit yingenbe Holi Spirit belen ketal urke mere tiyyinbe gahade:
‘Al Kurun belenbe Doyan Al Kurunne gaha inyin:

“Wañ ketalner heñ al denem yañ wor po hawayiñ. Irkeb asogo girde hañ mar goyen bul yirde yawamekeb gasa yirde yufurka tiyayiñ,”
inyiñ, yitiñ hi. *Tikiñ 110:1*

³⁷ Dewit yiriñ gwahade po Mesaia goyen Doyañ Alne inyiñ. Gega dahade niñgeb, Moseyen saba mar beleş bul mat Mesaia gobe Dewityen foñeñ yeñ hanjen? Gobe kukuwamneñ wor po,” yinyiñ. Irkeb al buda kurun gore mere go nurdeb amanen nuramiñ.

³⁸ Be, saba yirde henjabe gaha yinyiñ: “Moseyen saba mar niñbe kenkela po heñ ga hinayiñ. Yenbe al beleş denen palap dirnan yenbe uliñhormiñ sombornen yerde al dilinyañ wilwul ten hanjen.

³⁹ Irdeb Yuda marte gabu ya bana dula nalu karkuwanyañ kuñ henbe al denem yannde gasunyan po keperde hanjen.

⁴⁰ Irdeb beretapyen samun komkom heñ hanjen. Gega al beleş turun dirnan yeñ Al Kurun mere irhet yenbe mere ulyañ wor po tulun ten hanjen. Al gwaha ten hinayiñ mar gobe gote murungem bulun kurun wor po tenayiñ,” yinyiñ.

*Beretap beleş Al Kurun galak iryiñ gote mere
(Luk 21:1-4)*

⁴¹ Irdeb Yesube Al Kurunyen ya balem bana gon Al Kurun niñ hora yerd yerd gasun goyen siña kurhan keperdeb alya bereya hora yawan yerde hike yenen hinhin. Yenen hikeya al samun miñyan mar budam hora karkuwan yawan yerde hinhan.

⁴² Gega beretap kura wanbe hora mulowom irawa yiryin.

⁴³ Irkeb Yesu belen komatmin yago tumnan hoy yirdeb, “Fudinde wor po dinej hime. Beretap buninej garebe al budam gor hora yerhan mar goyen fole yirde hora kurun po kera.

⁴⁴ Samun minyan marbe samunmin yufut yunej hora yerhan. Munan bere gabe siksuknejen ningeb, horamin basaŋa irtek yara gega tumnan yawan yera,” yinyin.

13

Nalu funanđe nin mata (*Matiyu 24:1-35; Luk 21:5-33*)

¹ Be, Yesu go Al Kurunyen ya balem goyen tubul ten kun henya komatmin unkuŋen kura belen, “Tisa, hora karkuwan ga yena. Ya gabe tanarde tubul wor po titin,” inyin.

² Irkeb Yesu belen wol henbe, “Ya kurun hora belen irtin kenej han gayen kamebe hora unkuŋen mun kura kadom hende ma hiyen. Tumnan gilgalan irde katen pasi henayin,” inyin.

³ Be, Yesu go hurkun Olip dondonde keperde ya balem goyen kenej hikeyabe Pita, Yems, Yonya Andruya po wanbe,

⁴ “Daha nanabe mere dirha go forok yenayin? Irde da mata kenejbe go dinha goyen bebak titek?” inen gusunjan iramin.

⁵ Irkeb Yesu belen wol henbe, “Kenkela hen ga hinan ko. Monjo al usi dirnayin geb.

⁶ Al budam nere mere ten wayhet yen, ‘Nebe Mesaia,’ dinej usi dirnayin.

7 Goyenterbe fulenja forok yen hinayin. Goyenbe fulenja forok yen yen mere momon nurde goke hurkunjat ma ten hinayin. Fulenja mata gobe forok yen hinayin gega, nalu funanbe kame wor po ga wayyen.

8 Fudinde, al min kura beley huwarde al min hoyan kuraya arde hinayin. Gabman kura beley gabman hoyanya fulenja ten hinayin. Niniya karkuwan nana kurar kurar forok yen hinayin. Binje kamde kamde nalu forok yen hinayin. Kanduk kurun gobe bere beley hanjapya dirin kawan kere yen ulin misin katyen go gwahade goyen po, kanduk go wa forok yeke gab nalu funan forok yiyyen.

9 “Nin geb kenkela po hen ga hinayin. Ne nin tenbe asogotin beley Yuda marte gabu yayan dukukeb doyan mar beley dusulak ten hinayin. Irdeb merem yan dird dird nin tiyunde nin doyan marya gabman doyan mar karkuwanya dilinde dukukeb gor huwarde ne nin momon yirnayin.

10 Mere igin ne nin yitin gobe megen kurun gayen tagalde tukuke nurde pasi heke gab nalu funan forok yiyyen.

11 Nin geb al kura dukun merere derke goya daha yewen yen goke kanduknen ma nurde hinayin. Mere ten ten albe Holi Spirit, den mon. Nin geb yen beley mere dunkeb go po yen hinayin.

12 “Goyenter mata kurabe ire itinya yingen ulin kadam al hay hen gunen tike al beley wan gasa yirke kamnayin. Nanin beley dirinmin wor gwahade po yiryen. Dirin manan nanin milin kakjar

yirde al hoyañ yinke wañ gasa yirke kamnayiñ.

¹³ Ne niñ nurkeb al budam belen haram dirnayiñ. Gega al kura tareñ heñ kanduk go fole yiryenbe Al Kurun belen tumulgañ tiyyen.

¹⁴ “(Ge, asañ gayen ga kapyañ heñ ha albe kenkela bebak tiyayiñ.) Al Kurunyen ya balemde mata kukuwam kura gor forok yetek moñ gega, forok yeke kenenbe deñ Yudia nanare hinayiñ marbe busaharde dugure hurkun bana kunayiñ.

¹⁵ Goyenterbe al kura ya hende hiyen goyen kateñ yamiñ bana hurkun detne kura yade ga busahare ma yiyyen.

¹⁶ Al kura metenmiñ tubul teñ yare kun amilne teñ ga ma yiyyen.

¹⁷ Goyen nalurebe bere biñ miñyanya bere diriñ besare niñ miñyanyabe metenñ wor po yiryen.

¹⁸ Niñgeb goke Al Kurun gusunañ irde hinayiñ. Moñgo kanduk kurun goyen nalu bulun de forok yiyyenkek geb.

¹⁹ Goyen nalureb megen gabe kanduk kurun wor po tiyyen. Han kapy Al Kurun belen megen iryiñ wañ wañ ga hitere irde kame wor kanduk gwahade kura ma kentek. Go kanduk gobe barañ wor po duryen.

²⁰ Niñgeb Al Kurun belen nalu bulun goyen ulyande po tubul tike manhan al tumñañ kamwon. Gega al nere yiriñ goke teñbe nalu goyen wer irdeb dolfon iryiñ.

²¹ Goyen nalure al kura belen Mesaia niñ yen ingog gag dirkeb goyen nurde gama ma yirnayiñ.

²² Mesaia falkukya Al Kurunyen mere basañ

mar falkukya beleş waŋbe alya bereya Al Kurun beleş basiŋa yirtin goyen daha mat kura usi yirteke katnaŋ yeŋ mata tinen turuŋ yaŋ kurayen kurayen forok yirnayin.

²³ Niŋgeb keŋkela heŋ ga hinayin. Merebe nalu go forok ma yeŋ hikeya pet teŋ gago momoŋ dirde hime geb.

²⁴ “Niŋgeb kanduk kurun goyen kamereb, ‘Naŋa kidoma hiyyeŋ, irdeb gagasi ma timiyyeŋ.

²⁵ Naŋkiŋde mat dinambe suk yeŋ katnayin.

Irdeb naŋkiŋde nin dawet kurun goyen angor iryeŋ.’ *Aisaia 13:10; 34:4*

²⁶ Irde go nalureb al tumnaŋ ne Al Urmin gayen saŋiŋne turuŋ yaŋ wor po kigariŋkiŋ faykek hende katmeke nennayin.

²⁷ Irdeb miyoŋne yad yermeke kuŋ megeŋ murun kurhan mat kuŋ megeŋ murun kurhan nin alya bereya nigeŋ ge basiŋa yirtin goyen yawaŋ gabu yirde nunnayin.

²⁸ “Niŋgeb fik he ga keneŋ gor mat dufay tenaŋ. He haniŋ goyen beda urde yuwalneŋ gergeŋ forok yekeb beda naŋa heweŋ tiya yeŋ nurde hanjen.

²⁹ Niŋgeb gwahade goyen po, kame mata gayen forok yeke yeneŋbe nalu funaŋbe binde wor po hihi yeŋ nurnayin.

³⁰ Fudinde wor po dineŋ hime. Alya bereya gayen nalure haŋ gayen ma kamkeya mata kurun gayen forok yiyyeŋ,” yinyin.

³¹ Megenya naŋkiŋyabe hubu hiriryen. Gega merenebe hubu ma hiyyeŋ.

*Nalu funanbe bebakkenj monj
(Matiyu 24:36-44)*

³² Be, Yesu go sopte gaha yinyinj: “Al kura nalu goyen bebakkenj ma nurde hi. Hubu wor po. Naniñ po ga nurde hi. Urminya miyonminj yinjenya hanj goyen wor ma nurde hanj.

³³ Nalu goyenter dawet go wayyenj yenj ma nurde hanj ningeb, kenkela henj doyanj henj hinayinj.

³⁴ Gobe ya minj al kura nana gisaw kwe yenj metenj marminj haniñde metenj kurayen kurayen yunenbe ya doyanj al goyen, ‘Ne wanj wanj nalu ninj dufay henj kenkela doyanj henj hayinj,’ inenj kuyenj go gwahade goyen.

³⁵ Ningeb ya gote minj al mulganj henj henj nalu ma nurde hanj geb, kenkela henj ga hinayinj. Wawunbana daw, wawunj binde daw tatirok mere ma tiyyenya daw ma biram kerkeya yara kura wayyenj gobe ma nurde hanj.

³⁶ Monjo ferde ug henj hikeya wanj bemel diryenj geb.

³⁷ Mere ga dinenj hime gabe denj po ma dinenj hime. Al tumnanj yinenj hime. Ningeb kenkela henj ga hinayinj,” yinyinj.

14

*Yesu mayde mayde ninj sege irde hinhan
(Matiyu 26:1-5; Luk 22:1-2; Yon 11:45-53)*

¹ Be, Yuda marte asem yago belenj Isip nana tubul tiyaminj goke binj bak yenj yenj ge gabu

ird ird nalu kurun Pasoba* inen hanyen goya beret yis minmon nen nen nalu kurun goya goyen molye go yen henya pris buda gote karkuwanminya Moseyen saba marya beley daha mat kura al dilin banare Yesu ten mayteke kami yen balmin mere sege iramin.

² Gega yingen mere mayde, “Dula nalu kurun gayenter ma gwaha titek. Mongo al beley fulenja dirnak ge,” yamin.

Bere kura nat fimin ten Yesu tonande wok iryin (Matiyu 26:6-13; Yon 12:1-8)

³ Be, Yesu go Betani taunde Saimonyen yare hen binje nene hinhin. Saimon gobe bikken busuka minyan hiyen goke tenbe Saimon Busuka inen hanyen. Binje nene hikeyabe bere kura beley nat he filginin gote fimin hamin igin mun wor po yalin alabasta hora po irtin bana hitin goyen tawan migisun mardeb Yesu tonande wok iryin. Nat fimin gobe damum hende wor po.

⁴ Be, bere gore gwaha tikeb al gor hinhan gore go kenen bin ar yekeb, “Danin dawet igin mun gayen titminen bulun ira?” yen yingen ulin tagalde hinhan.

⁵ Tagalde henyabe, “Det goyen damumbe al kura dama unkennde meten ten hora tiyyen gote

* **14:1:** Bikken Israel mar Isip naja tubul ten Kenan kunin tiyaminyabe Al Kurun beley sipsip al dirin dirnen gasa yirde darim yade yame kantayan sam yirnayin yinyin. Munan al kura gwaha ma tiyamin marbe Al Kurunyen miyon beley wanbe mel gote urmin matalinya dapnamin matalinya goyen tumnan gasa yirke kamamin. Gega meremin gama iramin marbe miyonmin beley yubul tiyamin goke dufay hen hen ge dula mata ten hinhan.

folek. Niŋgeb hora go teŋbe al bunineŋ samuŋ miŋmonŋ faranŋ yurtek igiŋ gega, gwaha ma tiya,” yeŋ inenŋ teŋ buluŋ iramiŋ.

⁶ Irkeb Yesu beleŋ, “Tubul tinaŋ. Daniŋ du-faymiŋ buluŋ irde haŋ? Yeŋbe mata igiŋ muŋ wor po nira.

⁷ Al bunineŋ samuŋ miŋmonŋbe hugineŋ denya hikeb igiŋ faranŋ yurde hinayiŋ. Goyenpoga nebe denya hugineŋ ma hitek.

⁸ Yeŋ beleŋ mata nirtekbe gag po nira. Nat fimiŋ sam nira gabe ne kammeke mete nirnayiŋ goke teŋ gago gitik nira.

⁹ Niŋgeb fudinde wor po dineŋ hime. Ne niŋ naŋa kuruŋ gayen tagalde tukuŋ heŋbe bere gare mata tiya gake wor tagalde hike nurde hinayiŋ,” yinyiŋ.

¹⁰ Irkeb Yesuyen komat kura deŋembe Yudas Iskariot gore pris buda gote karkuwanŋmiŋ haniŋde pel ire yeŋ kuriŋ.

¹¹ Kuŋ yenkeb yende mere goyen nurde aman heŋbe horare damu girtek inamiŋ. Irkeb Yudas go daha mat kura Yesu goyen mel gote haniŋde kereŋ yeŋ dufay heŋ hinhin.

Yesuya komatmiŋya dula funaŋ tiyamiŋ

(Matiyu 26:17-25; Luk 22:7-14,21-23; Yon 13:21-30)

¹² Be, haŋka wawuŋbe beret yis miŋmonŋ nen nen nalu miŋ ureŋ tiya yeŋ nurdeb Yesuyen komatmiŋ yago beleŋ, “Damde kuŋ Pasoba nalure niŋ biŋge goyen gitik irniŋ?” yeŋ gusuŋaŋ iramiŋ. Go nalure goyenterbe Pasoba niŋ teŋ sipsip dirneŋ gasa yirde kumba teŋ hanŋen.

13 Irkeb Yesu belen komatmin irawa kura hulyan yirdeb, “Yerusalem kunbe al kura fe kuwe ten wan kuke kenenbe gama iriryen.

14 Ya binde hurkukeb gama irde hurkun ya min al goyen kenenbe, “Tisa belen, “Gasun darebe neya komatneya Pasobayen binje netek?” yihi,’ iniryen.

15 Gwaha inkeb ya bana gon gasun kurun kura hende hi, bikken sope irtin goyen dikala diryen. Irkeb gasunde gorbe dula ten ten det goyen gitik iriryen,” yinyin.

16 Irkeb irem go Yerusalem kunbe yen yinyin gwahade po yenaryum. Irdeb Pasoba binje goyen gitik irdeb mulgan haryum.

17 Be, wawunbana hekeb Yesuya komatmin 12ya goyen yare gor kun forok yamin.

18 Irdeb ya binde gon hurkun keperde dula ten hinhan. Dula ten henyabe Yesu belen, “Fudinde wor po dinhem. Al unkuken kura tumnan dula ten hite bana gare po asogoner haniinde niryen,” yinyin.

19 Irkeb komatmin wen gor hinhan gobe kanduknen nuramin. Irdeb yunkuren yunkuren wanbe, “Ne nin daw yen ha?” inen gusunan irde hinhan.

20 Irkeb Yesu belen wol henbe, “Gobe al neya tumnande beret ten fe koron unkuken bana fakamde hi al goreb gwaha tiyyen.

21 Ne Al Urmin gabe Al Kurunyen mere basan al belen bikken asande kayamin goyen po gama irdeb kamen. Goyenpoga ne Al Urmin gayen asogoner haniinde niryen al gobe kanduk kurun

wor po tiyyen. Al gobe kawan ma hirij manhan kanduk bulun goyen go ma kenwon,” yinyin.

²² Irdeb binje nene henyabe Yesu belen beret tenbe Naniñ igin nurd unenbe ubala ten komatmin yunyin. Yunenbe, “Beret dunhem gahade gayen po nebe den ge ten kamen. Ningeb goke tenbe beret gabe gasonne geb, ten nenan,” yinyin.

²³ Irdeb wain fimiñ gisu bana hitin goyen tenbe sopte po Al Kurun igin nurd unenbe, “Ga nenan,” yinen yunkeb tumñan nitiñ ala tiyamin.

²⁴ Irkeb Yesu belen, “Al megen han kurun gake Al Kurun belen bin taren tiyyin goke ten darine wok irde kamen. Ningeb wain nahan gobe darine.

²⁵ Fudinde dinen hime. Wain fimiñ gayen teban ma newen. Kun kun Al Kurun belen alya bereyamin doyan yiryen goyenter gab denya tumñan sopte wain fimiñ gergen netek,” yinyin.

²⁶ Be, go kamereb tikiñ hamiñ. Irdeb Olip dondonde hurkamiñ.

Pita belen helwan hiyyen goke tagalyin

(Matiyu 26:31-35; Luk 22:31-34; Yon 13:36-38)

²⁷ Be, hurkun gor henbe Yesu belen gaha yinyin: “Den tumñan nubul ten busaharnayin. Mata gote merembe hakot asandeb,

‘Sipsip doyan al go maymekeb sipsipbe burgagaw kernayin,’ katiñ hi. *Sekaraia 13:7*

²⁸ Gega kamen goyen sopte huwardeb ne wa mehen hen Galili kwen,” yinyin.

²⁹ Irkeb Pita belen, “Al hoyan gabe gubul tinayin gega, nebe epte ma wor po gwaha tiyen,” inyin.

³⁰ Irkeb Yesu belen, “Fudinde wor po gineṅ hime. Haṅka wawuṅ tatirok irawa ma irkeya ge wa wawuṅ karwore ne niṅ helwanṅ heṅ, ‘Al gobe ma nurd unenṅ hime,’ yawayinṅ,” inyinṅ.

³¹ Gega Pita belen, “Geya wor iginṅ kamyenṅ. Go ma wor po gubul tiyenṅ,” inenṅ tareṅ po hirinṅ. Irkeb kadom yago mananṅ huwardeb tumṅanṅ gwaha ala inaminṅ.

*Yesu Getsemani heṅ Al Kurunṅ mere iryinṅ
(Matiyu 26:36-46; Luk 22:39-46)*

³² Be, gor mat kuṅ naṅa deṅe kura Getsemani inenṅ hanṅende gor forok yenṅbe komatminṅ goyen, “Gar keperde doyanṅ nirde hike nebe Al Kurunṅ mere ireṅ,” yinyinṅ.

³³ Irdeb Pita, Yems, Yonya po yadeb gasuṅ hoyanṅde kwaminṅ. Goyareb Yesube dufayminṅya biṅyabe kanduk wor po hirinṅ.

³⁴ Irkeb mel karwo goyen yinyinṅ. “Kanduk kurunṅ wor po mununa. Irkeb kamtek wor po nurhem. Niṅgeb gar heṅ keṅkela heṅ hinaṅ ko,” yinyinṅ.

³⁵ Gwaha yinenṅbe gor mat muṅ kura siṅgir teṅ kuṅbe megen kateṅ dokolhoṅ yuguluṅ teṅbe belenṅ hoyanṅ kura hi kenem kanduk kurunṅ yenṅ hitte forok yetek nalu goyen forok ma yewoṅ yenṅ Al Kurunṅ mere iryinṅ.

³⁶ “Ado, mata budam kurunṅ gabe delgerbe metenṅ kuram moṅ. Niṅgeb belenṅ hoyanṅ kura hi kenem kanduk gayen go ma tewenṅ. Goyenbe nere dufay ma gama irayinṅ. Gigen dufay go po gama irayinṅ,” inyinṅ.

³⁷ Irdeb mulgañ heñ kuñ komatmiñ karwo gobe firtiinđe hike yinyiñ. Gwahade yeneñbe Pita goyen, “Saimon, bikkeñ ferha gago? Epte ma keperde muñ kura doyañ hawayiñ?

³⁸ Arkup ma yo, irde Al Kurun mere irde ga hayiñ. Gogab Satan wañ lom girkeb go ma katayiñ. Begerbe wilakneñ nurde ha. Gega ulgebe kanduk heñ hi,” inyiñ.

³⁹ Irdeb sopte yubul teñ kuñ hañkapyä Al Kurun mere iryiñ gwahade po inyiñ.

⁴⁰ Be, mulgañ heñ wañbe mel karwo goyen dukpu hika yirke sopte po firtiinđe hike yinyiñ. Irkeb mel go huwardeb feramiñ goke warga heñbe Yesu goyen gwaha mat kura mere irtek ma nuramiñ.

⁴¹ Gwahade yeneñbe mulgañ heñ Al Kurun mere irde hinhin gasunđe kuriñ. Irdeb funañ mel karwo go hitte wañbe, “Huwarnañ! Ep ferde usañ hahanñ niñ. Ne Al Urmiñ gayen mata bulun mar haniñde nertek nalube gago forok yihi.

⁴² Huwarke kuniñ. Asogoner haniñde nertek albe gago bikkeñ waya geb,” yinyiñ.

Wañ Yesu tanaramiñ

(Matiyu 26:47-56; Luk 22:47-53; Yon 18:3-12)

⁴³ Gwaha yineñ hikeyab Yesuyen komatmiñ kura Yudasyabe Yesu teñ teñ marya goyen wayamiñ. Fuleñare niñ bidilaya nukwaya yanarde wayamiñ. Go mar gobe pris buda gote karkuwañmiñya Moseyen saba marya irde Yuda marte doyañ mar parguwakya belañ hulyañ yirkeb gogo wayamiñ.

⁴⁴ Be, Yesu asogom haniñde kertek al goreb belen wañ henya Yesu tetek mar goyen yinyiñ. “Kuñ forok yeñbe mata kura tiyeñ geb. Al kura amanñ amanñ irde ulunñde u irmeke nenenñbe gog po yeñ kuñ tenayiñ. Irdeb upsineñ po tanarde teñ kunayiñ,” yinyiñ.

⁴⁵ Irdeb forok yeñ goyare po Yesu hitte wañbe, “Tisa,” inenñbe yende pere ird ird matare ulunñde u iryiñ.

⁴⁶ Irkeb al buda gore wañ tanaramiñ.

⁴⁷ Gwaha tikeb Yesu komatmiñ kura yeñ binde hinhin goreb fuleñare niñ bidilamiñ mardeb pris buda gote kurunñminñde metenñ al gote kirmiñ sapa iryiñ.

⁴⁸ Irkeb Yesu belenñ yeñ tetek mar goyen, “Ne gayen fuleña mar yad kuñ hime geb, gago fuleñare niñ bidilaya nukwaya manañ wañ nawarniñ teñ hañ?”

⁴⁹ Nebe denya hugineñ hinheth. Al Kurunñyen ya balem bana saba tagalde hinhem. Gega go ma nade hinhan. Goyenbe gonñmiñ. Al Kurunñyen asañde mere katiñ hi gwahade po forok yiyyeñ,” yinyiñ.

⁵⁰ Irkeb komatmiñ yago tumñañ Yesu tubul teñ busaharamiñ.

⁵¹⁻⁵² Goyenterbe al foñeñ kura amil faykek po aw teñ Yesu gama irde hinhin. Goyenbe yeñ manañ mel gore tanarkeb amil goyen gor po afuyañ heñbe kupsoñ busaharyiñ.

Yesube pris buda gote kurunñminñ diliñde huwaryiñ

(Matiyu 26:57-68; Luk 22:54-55,63-71; Yon

18:13-14,19-24)

⁵³ Be, Yesube pris buda gote kurunminj Kaiafas hitte tukukeb pris buda gote karkuwanminya, Yuda marte doyanj mar parguwakyabe Moseyen saba marya tumnanj gabu iraminj.

⁵⁴ Be, Pitabe Yesu gama irde kurinj gega, gisaw yarham po hinhin. Irdeb pris buda gote kurunminde ya kurunj goyen milgu irtinj koya bana gonj gabu gasunde hurkurinj. Irdeb gorbe ya goyen doyanj irde hinhan marya tumnanj kak katenj hinhan.

⁵⁵ Irkeb pris buda gote karkuwanminya Yuda marte doyanj mar tumnanj goya gabu irde da misinde kura Yesu mayteke kami yenj mere sege iraminj. Gega mere minj iginj kura ma kenaminj.

⁵⁶ Gorbe al budam Yesu merem yanj irninj yenj usi mere fakaka iraminj. Gega mereminj kurunj gobe sonj ala heke minj kenkelak kura ma forok yirinj.

⁵⁷ Gwaha tenj kunj kunbe al kura belenj huwardeb usi mere gahade tiyaminj.

⁵⁸ “Al gareb, ‘Al Kurunyen ya balem al haniinde irtinj gabe upew urenj. Irdeb nankahal karworeb hoyanj irenj. Goyenbe al haniinde irtinj gahade monj, yeke nurtirinj,” yaminj.

⁵⁹ Gega merem goyen wor sonj ala henj minj kenkelak ma forok yirinj.

⁶⁰ Irkeb pris buda gote kurunminj belenj gor gabu iraminj mar dilinj mar huwardeb, “Mere ulger irde hanj gayen kura munj wol ma hawayinj? Dahade nurde ha?” inenj Yesu gusunanj iryinj.

⁶¹ Gega Yesu gobe haywanj ma irde balminj

po hinhin. Irkeb sopte po gusuna irdeb, “Ge gayenbe Mesaia, Al Kurun neñ belen doloñ irde hityen gote Urmin?” inyin.

⁶² Irkeb Yesu belen wol henbe, “Gwaha, nebe ge yaha gog po. Niñgeb ne Al Urmin gayenbe al denem yan wor po hen Al Kurun saninmin kurun wor po gote haniñ yase belen keperdeb kigarinin faykek hende katen himeke nennayin,” inyin.

⁶³ Gwaha inkeb pris buda gote kurunmin goreb Al Kurun sukal ira yen bin ar yeke ulinhormin erek irdeb, “Yinjen gwaha yihi geb, daniñ merem yan irtek al hoyan nin nurtek?” yirin. Irdeb al buda goyen,

⁶⁴ “Al Kurun sukal ira gab dahade nurde han?” yinen gusuna yirin. Irkeb mel goreb binde bulun nurde Yesu goyen kamyen wor po yamin.

⁶⁵ Irkeb kura belen meyan irde amil ten dilin mala ten haniñ buda irde mayde henwab, “Tagala. Ganun belen muguna?” inamin. Irdeb pris buda gote kurunminde ya goyen doyan irde hanjen mar belen tukunbe usulak tiyamin.

Pita belen Yesu nin helwan hiriñ

(Matiyu 26:69-75; Luk 22:56-62; Yon 18:15-18,25-27)

⁶⁶ Be, Pitabe pris buda gote kurunminde ya kurun koya belen po milgu irtin bana gon al gabu irde hanjen sawsawa kurun kura goyenter hikeyabe pris buda gote kurunminde meten bere kura wayyin.

⁶⁷ Yenbe kak katen hinhin. Gwaha ten hikeya bere gore wan kenkela irdeb, “Ge manan Nasaret nin al Yesuya hinhan,” inyin.

⁶⁸ Goyenpoga Pita belen helwan irdeb, “Gebe da nin yen ha? Neb goke kura yen ha yen ma nurde hime,” inenbe gabu gasun go tubul ten hoyande kurin.

⁶⁹ Be, bere goreb Pita sopte po kenenbe gor huwarde hinhan mar goyen, “Yesuyen kadam kurabe gago,” yinyin.

⁷⁰ Irkeb teban po helwan hirin.

Be, mun kura hitnen tenbe yen bindere hinhan mar goreb, “Fudinde, gebe Galili nin al. Ningeb kuraminbe ge gago,” inamin.

⁷¹ Irkeb huwardeb mere hitem po yirdeb, “Nebe Al Kurun belen nenen hikeya fudinde wor po dinen hime. Nebe al goke yen han yen ma nurde hime,” yinyin.

⁷² Irkeb goyare goyen po tatirok wawun irawa iryin. Irkeb Yesu belen, “Tatirok iraw ma irkeya ge wa wawun karwore ne nin yen, ‘Al gob go ma nurd unen hime,’ yawayin,” inyin goyen goke bin bak yirin. Irkeb mata tiyyin goke kanduknen wor po nurde esen epte ma tiyyin.

15

Yesu Pailat dilinde huwaryin

(Matiyu 27:1-2,11-14; Luk 23:1-5; Yon 18:28-38)

¹ Be, wampot wor po pris buda gote karkuwanminya Moseyen saba marya Yuda marte doyan mar parguwakya doyan mar tumnan wan gabu irde mere sege irdeb, “Mayteke kami,” yamin. Irdeb Yesu hanin fere ten Pailat, Roma gabman belen ten kerke Israel wayyin doyan al goyen hitte tukamin.

² Irkeb Pailat beļeņ huwardeb, “Yuda marte doyaņ al kuruņ yeņ haņ gobe ge gago?” ineņ gusuņaņ iryiņ. Irkeb Yesu beļeņ wol heņbe, “Gwaha, gigeņ yaha gog po,” inyiņ.

³ Be, pris buda gote karkuwaņmiņ beļeņ det budam niņ Yesu goyen miņge iramiņ.

⁴ Irkeb Pailat beļeņ, “Dahade niņgeb mere ulger irde haņ kuruņ gayen kura muņ ma wol heņ ha?” ineņ sopte gusuņaņ iryiņ.

⁵ Goyenbe go ma haywaņ irke keneņbe diliņ fot yiriņ.

⁶ Be, Pasoba dula nalu kuruņ gwahade goyenterbe Pailat beļeņ al koyare haņyen goyen Yuda mar beļeņ po deņe urkeb uņkureņ kura teņ siņa irde hiyen.

⁷ Goyare goyenbe al kura deņem Barabasya kadam yagoyabe bikkeņ Roma gabman asogo irde fuleņa teņ al gasa yirke kamkeb yade koyare yeramiņ goyen hinhan.

⁸ Be, nalu goyenter Pailat beļeņ mata teņ hiyen go gwahade po diri yeņ nurdeb Yuda mar goyen Pailat gusuņaņ irniņ yeņ wayamiņ.

⁹⁻¹⁰ Be, Pailatbe al budam pris buda gote karkuwaņmiņ yubul teņ Yesu gama irkeb pris buda gote karkuwaņmiņ beļeņ keneņ daniņ neņ ma gama dirhaņ yeņ nurdeb gogo Yesu niņ igiņ ma nurde yeņ hitte tawayamiņ goyen bikkeņ yeneņ bebak tiyyiņ. Niņgeb Pailat gore huwardeb, “Deņbe Yuda marte doyaņ al kuruņ gayen tubul teņ dunwoņ yeņ nurde haņ?” yineņ gusuņaņ yiryiņ.

¹¹ Gega pris buda gote karkuwaņmiņ beļeņ al

buda kurun goyen, “Barabas sinja ira innayin,” yen bin yade tukamin.

¹² Be, Pailat beley huwardeb, “Be, gwaha yahan geb, den beley Yuda marte doyan al kurun inen han al gayenbe daha iren?” yinen gusunan yiryin.

¹³ Irkeb al buda kurun goreb hokde po, “Kuruse hende mayke kami! Kuruse hende mayke kami!” yamin.

¹⁴ Irkeb Pailat beley sopte gusunan yirdeb, “Da misindeb gogo yahan? Da mata bulun tiyun?” yinyin. Gega al buda kurun goreb mere nurtek ma hamin. Irdeb hokde wor po, “Kuruse hende mayke kami! Kuruse hende mayke kami!” yen teban tiyamin.

¹⁵ Irkeb Pailat beley al buda kurun goyen gwaha yirmeke binde igin nurnan yenbe Barabas ten sinja irdeb Yesube ten fulen marmin haniende kiryin. Irkeb tukun usulak tenbe kuruse hende maynin yen tukamin.

Roma gabmanyen fulen mar beley Yesu gi-wgiw irde hinhan

(Matiyu 27:27-31; Yon 19:2-3)

¹⁶ Be, go mar goreb Pailatyen ya kurun goyen sinja kurhan tukunbe fulen mar pasi po hoy yirke wan gabu iramin.

¹⁷ Irdeb doyan al kurunyen umna irhet yen amil umnam bukkenya digulakya suluk yirke bukken yara hitin kura goyen tawan Yesu hor irde unenbe doyan al kurunyen tonanhor irhet yenbe kan danndan yan ten tiga ilde tawan Yesu tonande misinen yan po keramin.

18 Be, gwaha irdeya gab doyañ al kurun turun irde hanjen gwahade irhet yen giwgiw irdeb, “Gebe Yuda marte doyañ al kurun. Amanen nurde turun girhet,” inen bak mayde epte ma irde hinhan.

19 Irdeb he nukware tonande mayde teban irde meyan irde Yesu kahan minde katen dokolhon yugulun ten doyañ al kurun palap irde hanjen gwahade irtin yara irde hinhan.

20 Be, mel gobe gwaha mat Yesu go giwgiw irde amil umnam bukkenya digulakya suluk yirke bukken yara hitin kura hor irde unamin goyen tugu tenbe yende amil po sopte hor irde unamin. Irdeb tukun kuruse hende maynin yen ten sinare kwamin.

Yesu kuruse hende mayamin

(Matiyu 27:32-44; Luk 23:26-43; Yon 19:17-27)

21 Be, goyare goyenbe Sairini nin al kura denembe Saimon goyen tiyun hoyande mat wan Yerusalem kun hinhin. Irkeb fulena mar belen belen kenenbe Yesu faran urde kuruse tiwi yen pakku iramin. Saimon gobe Aleksandaya Rufusyat nanin.

22 Be, mel gore Yesu goyen tukun nana den kura Golgota inen hanjende gor tukamin. (Golgota den gote minbe ‘al tonan kinininde’.)

23 Gorbe ulin misin falmuk ird irdde nin he fiminya wain fiminya suluk irtin goyen Yesu unamin. Gega go ma nirin.

24 Irkeb ten kuruse hende kerde kahanja haninya goyen heya karki yirde nil po ten yuramin. Irdeb amilmin yugu tiyamin goyen ganun

belen yawaryen yenbe hora wet ma he parwek wet kura det kuldiñ irtin goyen ten yende matare tilin tanaramin.

²⁵ Be, Yesube 9 kilok wampot kuruse hende mayamin.

²⁶ Irdeb da misiñde mayke kamiñ goyen he parwek kura ten gahade kanbe kuruse tonannde keramin:

YUDA MARTE DOYAÑ AL KURUN

²⁷⁻²⁸ Be, go nature goyen po kawe mar irawa kura goyen wor kuruse hende gasa yiramin. Irdeb Yesuyen kurusebe kahalte kerdebe al irawa gotebe kurhan kurhan yeramin.*

²⁹ Be, al goyañ fole ten kuñ hinhan gore kenenbe biruñ biruñ ten, “Be, gebe, ‘Al Kurunyen ya balem goyen pir irde pasi henbe epte nankahal karwore po ireñ,’ yarin go?”

³⁰ Niñgeb kuruse hende mat gigen tarenger katke ginniñ be,” inen ayañ keramin.

³¹⁻³² Al hoyañ belen irde hinhan gwahade goyen po pris buda gote karkuwanminya Moseyen saba marya yingen ulin wor huwardeb, “Al ga kennan ko. Al hoyanbe faran yurde hiyen. Munan yingenbe epte mon. Yenbe fudinde Israel marte doyañ al kurun Mesaia kenem mal po kuruse hende mat kati. Irke kenenbe fudinde wor po yen nurtek,” inen giwgiw irde ayañ kerde epte ma tiyamin. Irkeb Yesu bindere hinaryum

* **15:27-28:** Asañ hoyanbe gahade hi: ²⁸ *Kame mata gwahade fudinde forok yiyyen yenbe Al Kurunyen asanbe gahade katin hi: “Yenbe mata bulun marya kamiñ.”*

al irawa kuruse hende gasa yiramiņ gore wor gwahade po inaryum.

Yesu kamyiņ

(Matiyu 27:45-56; Luk 23:44-49; Yon 19:28-30)

³³ Be, kuņ kuņ naņa baņkahal wor po hekeb megeņ kuruņ gabe kidoma beleņ po alu urke kuņ kuņbe 3 kilok wawuņbana hiriņ.

³⁴ Be, 3 kilok wawuņbana hekeb Yesu beleņ hokde po Al Kuruņ goyen, “Eloi, Eloi, Lama Sabaktani!” inyiņ. Gote miņbe “Al Kuruņne, Al Kuruņne, daniņ nubul taha!”

³⁵ Irkeb al goyaņ huwarde hinhan gore nurdeb, “Elaia hoy ira go nurnaņ,” yamiņ.

³⁶ Goyen nurdeb al kura kup yeņ kuņ amil erek irdeb tukuņ wain fimiņ mukkuweņ bana goņ duk irdeb kutumde taw irdeb tawaņ, “Nawa,” inenbe, “Be, Elaia beleņ waņ faraņ urde teņ kerke katyen daw niņge, mekerke keneņ hiniņ,” yiriņ.

³⁷ Be, Yesu gobe uliņ misiņ kuruņ wor po kateņ, “Woy!” yeņbe yayeņa funaņ, “Ha!” irdeb kamyiņ.

³⁸ Irkeb goyare po Al Kuruņyen ya balem bana amilbe hende mat kahalte po erek yeņ kateņ iraw haryum.

³⁹ Be, fuleņa marte doyaņ almiņbe Yesu diliņ mat heņ Yesu mere teņ daha mat kamyiņ goyen keneņbe, “Fudinde, al gabe Al Kuruņ Urmiņ!” yiriņ.

⁴⁰ Be, goyarebe bere buda kura gisaw mat huwarde keneņ hinhan. Bere gobe Galili mat Yesu gama irde Yerusalem wayamiņ. Makdala

nin Mariaya Yosesya Yems dirnnyat miliñ Maria, irde Salome manañ gor hinhan.

⁴¹ Bere karwo gabe Yesu Galili hinhinyabe gama irde farañ urde dawet kurañ nurde hikeb unej hanjen bere go goyen.

Yesu mete tiyamin

(Matiyu 27:57-61; Luk 23:50-56; Yon 19:38-42)

⁴² Be, Yesu kamyin nalu gobe Sabat nalu goke gitik ten ten nalure kamyin. Nalu gobe Gitik ten ten Nalu inen hanjen. Be, Yesu kamyin goyen wawunbanamindebe, “Hen ga ma Sabat nalu hewen tiya go,” yen nurdeb

⁴³ Arimatea nin Yosep belen Yesu hakwam teke al hoyan belen al gobe Yesu gama irde hiyen al kurabe gogo yen bulun nurde untek goke ma nurdeb Pailat hitte kun Yesu hakwam ten ten nin gusunañ iryin. Yenbe tiyun doyan mar gabu irde hanjen goyen bana nin al. Al budam belen nurd unen hanjen. Yinjenbe Al kurun belen alya bereyamin doyan yird yird nalu goke doyan hen hiyen.

⁴⁴ Be, Yosep gore gusunañ irkeb Pailatbe Yesu kama mere goyen nurdeb dinon kok yirin. Irdeb fulenja marminde doyan al nin keya heke wakeb, “Yesube bikken kama?” inen gusunañ iryin.

⁴⁵ Irkeb al goreb, “Fudinde, gwaha tiya,” inke Pailat belen nurdeb Yesu hakwam goyen Yosep tubul ten unyin.

⁴⁶ Irkeb Yosep gobe kadomya kun amil fayken damu ten tawan Yesu hakwam goyen farañ tenbe mala ten tukun al hakwam yerd yerd nin horabok

taltin bana goŋ keramiŋ. Irdeb hora kurun goyen kaŋ kaŋ irdeb tukun horabok mohon pet tiyamin.

⁴⁷ Makdala nin Mariaya Yoses miliŋ Mariayabe Yesu hakwam goyen gor kerhan yen kenaryum.

16

*Yesu kamyin de mat huwaryin
(Matiyu 28:1-8; Luk 24:1-12; Yon 20:1-10)*

¹ Be, Yuda marte usaŋ nalu, Sabat go hubu hekeb Makdala nin Mariaya Yems miliŋ Mariayabe Salomeya gobe Yesu kamyin hakwam goyen sam irtek yen he fimin kura hamin igin mun goyen damu tiyamin.

² Irdeb fay urke Sande wampot mun nana pirik irkeyabe horabok bembare kwamin.

³ Kun henyabe, “Horabok mohon pet titin hora kurun gobe ganun belen kaŋ kaŋ irde sinja iren tiya?” yen kadom gusunan gird tiyamin.

⁴ Gega hurkun henyabe horabok bamba mohonde nankenenbe hora kurun wor po goyen bikken ten sinja irtin kenamin.

⁵ Gwahade kenenbe kun forok yen horabok bana hurkunbe al fonen kura ulinhor faykek manan yase belen mat keperde hike kenenbe kafura hamin.

⁶ Irkeb al goreb, “Kafura hen ma. Nasaret nin al Yesu kuruse hende mayke kamun goke wayhan gobe gar ma hi. Yenbe bikken huwara. Keran gasundebe hubu ga kennaŋ.

⁷ Niŋgeb kunbe komatminya Pitaya yenen mon yirnan. Yesube yinŋen yiyun gwahade po,

yeŋ wa meheŋ heŋ Galili kuyeŋ. Gor gab ken-
nayeŋ,” yinyeŋ.

⁸ Irkeb bere gobe kafura heŋ barbar yeŋ
kukuwamneŋ nurdeb horabok bembaba mat
kateŋ siŋare heŋbe busaharde kwamiŋ. Gega
kafura heŋbe mata kenamiŋ goke al kura ma
momeŋ yiramiŋ.

*Yesu beleŋ komatmiŋ hulyaŋ yirdeb Al Kurun
hitte hurkuriŋ*

[
⁹ Be, Yesu wampot muŋ huwaryeŋ goya goyen
haŋkapyabe Makdala niŋ Maria diliŋde wa forok
yiriŋ. Yeŋbe unŋura 7 ketal urtiŋ hinhin goyen
Yesu beleŋ sope irke igiŋ hiriŋ bere go goyen.

¹⁰ Be, bere go Yesu keneŋ mulgaŋ heŋ kuŋbe
Yesu gama irde hanŋen marya Yesu kamiŋ gote
doliŋde heŋ eseŋ hinhan marya goyen momeŋ
yiryiŋ.

¹¹ Gega mel gobe bere gore, “Yesube kamuŋde
mat huwara. Irke kenhem,” yinyeŋ go nurdeb
fudiŋde yeŋ ma nuramiŋ.

¹² Be, go kamereb Yesube komatmiŋ irawa kura
Yerusalem tubul teŋ tiyuŋ hoyanŋde kuŋ hikeya al
hoyaŋ yara heŋ yeŋ hitte forok yiriŋ.

¹³ Forok yeke keneŋ bebak teŋbe mulgaŋ heŋ
kuŋ kadom yago momeŋ yiraryum. Gega yeŋbe
irem gore yaryum goyen mananŋ fudiŋde yeŋ ma
nuramiŋ.

¹⁴ Be, go kamereb Yesu yinŋeŋ komatmiŋ 11
goyen ya bana heŋ dula teŋ hikeya forok yiriŋ.
Forok yeŋbe al beleŋ huwaryeŋ kamere keneŋ
momeŋ yirke ga tonanŋ tareŋ irde usi tahaŋ yeŋ

nurde wasak po tiyaminj mar goyen goke yinen tej saba yiryinj.

¹⁵ Irdeb, “Kun nana kurunj al hike kwa goyen bana ne nin yitij mere iginj gayen tagalde momon yirde tukunayinj.

¹⁶ Al kura baranj gayen fudinde yej dufayminj saninj irde baptais tenayinj mar gobe Al Kurunj belenj yumulganj tiyyenj. Gega al gwaha ma tinayinj mar gobe Al Kurunj belenj merem yanj yiryenj.

¹⁷ Ne nin dufayminj tarej irnayinj mar gobe Al Kurunjenj tarende mata tinenj gahade tej hinayinj: denjer unjura yakira tej hinayinj, nana hoyande ninj mere mat Al Kurunj mere irde hinayinj,

¹⁸ hanijde kunere duwi yanarke yisinayinj gega go ma kamnayinj, fe det bulunj minjanj nene kamtek goyen nenayinj gega go ma kamnayinj. Irdeb al gore garbam mar hanij yerde yunenj Al Kurunj gusunanj irkeb iginj henayinj,” yinyinj.

¹⁹ Be, Doyanj Al Kurunj Yesu belenj mere yiryinj go kamereb Naninj Al Kurunj belenj tumulganj tike hurkunj al denem yanj henj hanij yase belenj kipiryinj.

²⁰ Be, go kamereb Yesuyen komatminj belenj kunj yej ge yitij mere iginj goyen nana al hike kwa kurunj gayen bana tagalde tukaminj. Gwaha tej hikeyabe Doyanj Al Kurunj belenj komatminja henj metenj tej mel gore mere tej hinhan goyen fudinde yej nurd nurd ninj tejbe mata tinenj turunjanj kurayen kurayen goyen mananj forok yirde hinhin.]

**Al Kurunyen Mere Igin
The New Testament in the Gwahatike Language of
Papua New Guinea
Nupela Testamen long tok ples Gwahatike long
Nuigini**

copyright © 2000 Wycliffe Bible Translators, Inc.

Language: Gwahatike

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-10

PDF generated using Haiola and XeLaTeX on 18 Apr 2025 from source files dated 31 Aug 2023

dbba218f-41f3-5f08-b0b6-2a7c919093ab